



07543

文獻通考卷二百九十二

鄱陽馬端臨貴



象緯考十五

流星星隕

仁宗乾興元年五月壬午星出危大如杯赤黃色有尾  
 迹速行而東炸如迸火隨至羽林軍南沒明燭地占曰  
 北夷兵動九月己丑星出天市垣旁緩行經天過天市  
 垣至營室沒占曰大臣出使土功起十月丁酉星出右  
 旗如太白西南速行至天弁沒明燭地占曰兵動將軍  
 勝 天聖元年閏九月甲辰常星未見星出營室至外  
 文獻通考 卷九十二 象緯 一

屏沒占曰主屋室修營事 四年五月辛巳星出天市  
 垣市樓側東北流入濁占曰有街肆之事 五年九月  
 丁未星出北辰沒於天牀側占曰宮中不安宜審察之  
 六年四月甲申夜漏欲盡有星大如斗器自北方至  
 於西南光照地有聲如雷曳尾迹長數丈久之散為蒼  
 白雲 八年二月丁酉星出軒轅大星側如杯速行至  
 器府沒占曰憂火災 十年三月癸巳星出中台貫北

河入東井沒炸烈有聲明燭地食頃又有星出天市垣  
 宗人側東流入濁八月癸亥星出天船近句陳沒明燭  
 地乙丑星出胃大如杯有尾迹西北緩行進為六七小

星相隨於大陵明燭地九月丙子星出婁沒於雲雨側  
尾迹久方散食頃又有星出天大將軍近奎沒尾迹久  
方散明燭地續又星出北辰西北速行至內階沒又有  
星出天苑沒於天園明燭地景祐元年八月己卯星  
出東井行至厠星沒尾迹久方散明燭地占曰井秦地  
主有水災沒於厠爲兵象九月己丑星出東井如太白  
赤黃色有尾迹向東速行至柳沒光照地占曰使出有  
火令其夜星出雙至奎沒明燭地占曰有溝瀆之事

二年八月庚申星出大陵如太白赤黃色東南緩行沒  
於昴尾迹久方散明燭地占曰四夷有兵四年六月

文獻通考

卷一百一十五

象緯

二

壬申星出王良如太白青白色有尾迹東南速行至婁  
沒明燭地占曰兵出及倉庫官有憂七月戊申有星數  
百皆西南流其最大者一星至東壁沒光燭地久之不  
散占曰衆庶流移之象五年四月壬申有星出中台  
如太白青白色有尾迹向北速行入濁明燭地占曰將  
相憂又星出天江如太白有尾迹西南速行至房沒占  
曰有大水寶元二年三月癸丑星出右旗赤黃有尾  
迹向南速行沒於建星明燭地占曰兵爲亂下有謀

康定元年三月癸丑星出北斗北行入濁明燭地占曰  
使出北方二年九月己酉有星出奎如太白赤黃有

尾迹西行沒於東壁明燭地占曰天下文章之士用  
慶歷二年三月庚戌星出句陳側如太白赤黃有尾迹  
西北緩行至天棊沒明燭地占曰天棊主忿爭刑罰藏  
兵禦難備非常也今流星入之主爭地七月乙丑星出  
西北方大如釃西北行丈餘沒色赤黃有尾迹明燭地  
十二月庚申有星出弧矢南行入濁赤黃有尾迹明燭  
地占曰秦分兵動及土功事起 五年六月星出奎如

太白西行至天倉沒有尾迹明燭地占曰有溝瀆事及  
兵起壬戌星出營室如太白赤黃色東南速行過危及  
虛有尾明燭地占曰北狄交兵齊分民有災 六年六

文獻通考

卷一百一十五

象緯

三

月丁巳星出營室大如杯光燭地有聲北行至王良沒  
占曰兵出 七年六月己巳星出天田赤黃色有尾迹  
西南緩行至折威沒占曰邊將憂九月星出天苑如太  
白南行至天園沒有尾迹明燭地占曰牛馬禽獸多死  
八年六月己卯星出北斗至郎位沒有尾迹明燭地  
占曰兵出八月乙亥星出東壁赤黃色東北速行至濁  
沒占曰天下文章之士用 皇祐元年六月己巳星出

匏瓜赤黃有尾迹向南速行至建星沒占曰吳分有謀  
二年四月癸未星出氐赤黃色東南速行至心沒有  
尾迹明燭地占曰內使出外使來德令宣布國人有喜

四年九月星出紫宮北辰側赤黃色西南速行至貫索沒尾迹疑天明燭地占曰有赦宥 五年九月乙亥星出參如太白西北速行至昴沒有尾迹明燭地占曰兵出以禦胡寇 至和元年七月壬戌星出王良色赤

黃向北速行至天船沒有尾迹明燭地占曰兵涉津梁 三年九月壬午星出東井如太白赤黃色向北速行

至文昌沒占曰秦晉分有水將兵者還 嘉祐二年七月丁丑星出王良如太白赤黃色西南緩行至亢沒有

尾迹明燭地占曰中官有咎 三年七月乙酉星出北

河如太白赤黃色東南緩行散為數道至狼沒尾迹疑

文獻通考 卷一百一十五 象緯 四

天占曰北河胡漢之界狼為盜賊侵掠宜警邊河備兵

革 四年五月癸丑星出營室大如杯赤黃色西南速

行至羽林軍沒炸烈有聲占曰軍行炸而有聲者戍兵

不安六月辛未星出胃沒於句陳又有星出天船至王

良沒占曰倉廩官災津梁有阻策馬者憂九月己亥星

出紫宮句陳側大如盃東北速行曳尾長五尺初直後

曲流至北辰東沒沒後尾迹凝結如盤食頃散占曰流

星大者事大曲行者姦事也色赤兵象北行其事在北

方今形體異於常而小星十數南北分流衆庶流行之

象宜審察姦謀以備未萌 五年正月辛卯星出畢大

如盃赤黃色速行至天倉沒明燭地尾迹炸烈而散有聲如雷占曰流星大者事大有聲如雷怒之象出於畢主邊事兵爭不利入天倉粟以兵出八月庚申星出東壁東行人濁占曰文學之士有憂 六年八月丁未星出狼大如杯至天社沒明燭地尾迹凝天良久散占曰國多盜賊風雨不時 七年十月庚寅星出南河至天社沒明燭地占曰邊兵不安風雨失序 八年七月乙丑星數百縱橫西流占曰流星無名衆庶之象皆西流民勞役

英宗治平元年二月星出紫宮旬陳側西北入濁沒明

文獻通考

卷一百一十五

象緯

五

燭地尾迹炸烈有聲占曰后妃有憂 二年八月乙未

星出河鼓大如醖色赤黃速行至天市垣內宗星沒占

曰有兵 三年四月癸巳星出房至濁沒明燭地尾迹

炸而散占曰卿相有逐者 四年正月壬子星出亢西

如太白東南急行至氐東沒赤黃有尾迹主國有使清

獄頒恩流於氐主上卿憂四月己酉星出房東如孟口

西南慢行至亢沒赤黃有尾迹明燭地聲如擺旗主有

使出恤民或外國有使來八月星出柳東如太白東急

行入濁赤黃有尾迹主宗廟有喜賢臣任用十一月星

出五車東如杯口西南急流至昴北沒赤黃照地明主

天子遣使恤民五穀成亦主西夷交兵

神宗熙寧元年二月壬戌星出角東大如太白急行至翼沒赤黃有尾迹主天子發使外國四夷受賜六月庚申星透雲出天棊西如太白北急行至天市垣西牆沒赤黃有尾迹主藏兵以備難非常八月癸亥星出壘壁陣如太白緩行至狗國沒赤黃照地 二年二月星出平星南急行入濁沒狀如前主有執法正紀綱使出四月辛酉星出閣道如太白東南速行至東壁沒青白有尾迹主文章士用天子好道賢臣在位遠國來賓七月丁卯星出危南西南急行至壘壁陣沒狀如前主天下安五穀熟土功興十月己卯星透雲出大陵北如太白西南急行至東壁沒青白有尾主用故臣亦主文章士爲用遠國來賓 三年二月己丑星出太微垣西上將

文獻通考

卷五十五

象緯

六

南如孟酉急行入濁沒狀如前明燭地主大臣於楚分有外事六月壬申星出紫微垣西垣牆北東北慢流至濁沒狀如前主天子之使言兵事十二月星出外屏西南速行入濁沒狀如前主人多不安 四年三月星出天市垣內斗星西北逆行至貫索西沒狀如前主倉庫盈溢五穀豐六月星出營室西南流至壘壁陣沒狀如前主天子行禮出賞國樂民安九月甲午星出紫微垣

西牆東北速行人濁沒狀如前主兵或土功之事 五年七月己丑星出七公南西南急行至天市垣西牆沒狀如前主五穀豐成倉庫盈溢十月戊寅星出紫微垣內後宮東如杯北慢行入濁沒主使出外夷亦主地動六年四月丙子星出貫索如杯慢行至紫微垣牆上宰沒青白照地明主外國有使入六月辛卯星出營室北如杯東南急行至壘壁陣沒赤黃有尾迹照地明主使出言兵八月壬辰星出羽林軍西如杯南緩行人濁沒青白尾迹分迸照地明主軍出邊鄙亦主軍中不和

七年二月壬申星出天棓北東北緩行至造父沒狀

文獻通考

卷一百一十五

象緯

七

如前主兵出備邊鄙四月丙戌星出天市垣東北慢行至候星沒狀如前主萬物貴八月癸未星出羽林軍內如杯北慢飛至大陵沒赤黃有尾迹主大軍出十月庚子星出天倉西西南慢流至敗臼沒如杯赤黃尾迹分裂照地明主藏五穀待邦用亦主歲飢粟出 八年三月丁酉星出積水東如太白速行至五車東沒赤黃有尾迹主糴貴九月丙寅星透雲出河鼓北如太白東南緩行至危沒赤黃主天下民安五穀熟土功興十月乙未星出弧矢西北如杯東南緩行至濁沒青白有尾迹照地明主南夷來貢國有賢臣 九年三月甲子星透

雲出天市內宗正西北慢至太微垣五帝座沒狀如前  
主執政憂人多死五月丁丑星出尾北東南急行入濁  
狀如前主後宮有子孫之喜六月丙午星出東壁北如  
杯南急流至羽林軍沒赤黃有尾迹主天子用故臣八  
月壬寅星出危北西南急流至濁狀如前照地明主天  
下不安十月丁未星出柳東速行入濁狀如前主宗廟  
有喜賢臣任用亦主多雨 十年正月辛巳星出參西

南速行至天苑沒主穀賤牛馬多傷四月甲辰星出郎  
位北急流至下台南沒狀如前主大臣有咎六月乙巳  
星出王良東西北急流至紫微垣內句陳沒狀如前主

文獻通考

卷一百一十五

象緯

八

兵將出十月己亥星出霹靂北西南急行至濁沒狀如  
前主陽氣太盛擊辟萬物 元豐元年閏正月甲辰星

出柳北西急行至天廩沒狀如前照地明主穀熟六月  
甲辰東南方光燭地有星如孟出匏瓜至內階沒分裂  
有聲如雷主兵喪八月甲子星隔雲照地明東北急行  
至濁沒主有大使出東北方其方流血十一月丙寅星  
出北河北東南急行至弧矢沒狀如前主使出十二月

壬子星出輿鬼東北速行至軒轅沒狀如前主后有喜

三年二月辛丑星出弧矢南東南速行至濁沒狀如  
前主西戎有兵賊五月辛未星出中台北東南緩行至

天江沒狀如前主水泛溢民飢十一月丙辰星出廁星  
東東南慢流至濁沒狀如前主晉分民疾 四年正月  
戊戌星出五車北如杯西南急流至天困沒赤黃尾迹  
分裂主外國來貢六月戊寅星出紫微垣內廚南如太  
白慢流至大角沒赤黃有尾迹主將出九月己酉星出  
天街北急行穿五車沒狀如前主粟麥貴十一月乙未  
星出句陳北東北慢行至濁沒狀如前主後宮有喜

五年四月庚申星出角東南急行至濁沒狀如前主發  
使外國七月辛巳星出天市垣內列肆西北急行至濁  
沒狀如前主人主憂 六年閏六月丙子星出貫索東

文獻通考

卷一百一十五

象緯

九

北西南急行至濁沒狀如前主貴女憂九月癸卯星出  
五車東北急行至濁沒狀如前主有兵車出 七年四  
月辛未星出平星東西南慢行至濁沒狀如前主臣黜  
期半年 八年二月庚辰星出太微北左執法北東南  
急行人濁沒狀如前主大臣執法者憂七月庚申星出  
胃宿急流至天困沒狀如前主外國來降倉庫盈賞大  
臣及有憂恤事十月庚寅星出昴南急流至濁沒主有  
赦令恤民

哲宗元祐二年二月丙戌星出上台北向西北急流至  
王良南沒赤黃有尾迹明燭地主遣使安撫四方接揚

草澤招賢集德七月丁巳星出墳墓東慢流至壁南沒  
狀如前主大臣有喪十一月戊申星出紫微垣北西北  
急流至濁沒狀如前主使出 二年正月辛巳星出軫  
南向南急流至濁沒狀如前主大臣忠諫賢人來國昌  
萬物賤九月甲寅星出天市垣中山北西急流至天紀  
西沒狀如前主有赦令賞賜 三年三月己酉星出亢  
南向南慢行至濁沒狀如前主天子遣使清姦獄頒赦  
令六月庚子星出壁南東南急流入羽林軍內沒狀如  
前主文章士爲用亦爲兵起八月癸巳夕有星自中天  
向東急流至濁沒狀如前主其下兵戰 四年三月戊

文獻通考

舊籍

象緯

十

戌星透雲出織女東速行至天津西沒狀如前主布帛  
貴亦主大衆九月壬午星透雲出天棊北速行至濁沒  
狀如前主修兵備十一月己酉星出司怪西南如杯慢  
流至參旗沒赤黃有尾迹主使出其方亦主兵起 五  
年正月己丑星出司怪西南行至濁沒狀如前主遣使  
七月辛未星出危如太白東南急流至濁沒青白有尾  
明燭地主國安民豐及土功興十月己未星出車房急  
流北至天津西南沒狀如前主兵軍動大衆行及主河  
事 六年二月辛丑星出翼東南急流至濁沒狀如前  
主國人皆受恩賜七月癸亥透雲星二皆如太白一出

天槍東南急流至亢東沒一出奎東西南急流至壘壁  
陣東沒赤黃有尾迹主有兵起侯王受賜十月丁卯星  
出壬良南東南急流至濁沒狀如前主多風雨亦主遣  
將 七年二月戊午星出敗瓜東南急流至虛東沒狀  
如前主遣使或冢宰憂四月甲子透雲星出天市垣燕  
星南急流至濁沒狀如前主倉庫盈溢五穀豐登又主  
市有火災十二月丁未星出天槍西南急流至濁沒狀  
如前主大兵起斧鉞用亦主賑貸及遠方賢人至 元  
符元年三月甲戌星出天乳北急流至大角沒狀如前  
主禮義教興遣使及鄰國使入貢六月星出室如杯至  
文獻通考

卷之三

象緯

十一

壁東沒青白有尾迹主軍糧豐五穀成文士入賢人用  
二年二月癸卯星出靈臺北向西慢行至軒轅沒狀  
如前主賢臣在位天子有子孫之喜十月辛丑星出女  
西北急流至牛西北沒狀如前主五穀貴有水災

容齋洪氏隨筆曰國朝星官歷翁之技殊媿漢唐  
故其占測荒茫幾於可笑偶讀四朝史天文志云  
元祐八年十月戊申星出東壁西慢流至羽林軍  
沒主擢用文士賢臣在位紹聖元年二月丙午星  
出壁室東沒主文士入國賢臣用二年二月癸卯  
星出靈臺北行至軒轅沒主賢臣在位天子有子

孫之喜按是時宣仁上仙國是大變一時正臣以次竄斥章子厚在相位蔡卞輔之所謂四星之占豈不可笑也子孫之說蓋諂劉后云

辛未星出奎距星西南急流至濁沒狀如前主天下安寧遠人來貢 八年正月甲申星出天市垣內候南東南急流至濁沒狀如前主民流十月戊申星出天棓東南北流至濁沒狀如前主有赦及宥大臣罪 紹聖元年二月丙午透雲星出壁東慢流八濁狀如前主天下文章士登用賢臣在位遠國來賓六月星出人星南急流至牛沒狀如前主牛馬昌盛關梁入貢十月甲申星出天槍南慢行至上台沒狀如前主賑貸亦主兵及大將憂 二年三月丙辰星出天津東北向東慢流至室北沒狀如前主使出及外國使至五月甲寅星出閣道北東北急行至濁沒狀如前主風雨十月庚寅透雲星出張南東南急流至濁沒狀如前主天子社稷昌 三年二月丙子透雲星出太微垣慢流至濁沒狀如前主使出五月己未星出平星西如杯大急流至濁沒青白有尾迹明燭地主臣有黜者 四年六月甲申星出亢西南向西急流至濁沒狀如前主使出清豨獄頒恩赦九月乙卯星出天困東之南急流入濁沒主帝王布德

文獻通考

卷一百一十五

象緯

三

令外國貢異寶及賞賚

按容齋言星歷之學無傳故其占不驗然愚嘗考之五緯行天其常也流星飛星之變非常也故前史所書或數年一見或閒歲一見其甚者則一歲頻見今宋史所書則無月無之而四朝志尤甚至有一月而四五見或同日而數流者今姑倚拓其略每季僅一書而猶覺繁夥夫其紀載之冗雜如此則其占驗之茫昧固宜矣

徽宗建中靖國元年正月星出西南如孟東北急流入尾距星沒青黑無尾逆明燭地主舊來歸后族進祿亦文獻通考

卷五十一

象緯

三

曰風雨時稼穡成 崇寧元年三月星出張如金星西南急流至濁沒狀如前主諸侯受賜天子宗廟社稷昌十月壬子星出天船如蓋急流至五車沒青黑有尾迹聲隆隆然主大水或曰水旱不時 二年正月戊申星出水位如金星急流至北河沒狀如前主大水六月戊午星出亢西南急流入濁沒狀如前主天子遣使清獄頒恩九月辛巳星出牛西南慢流至狗國沒狀如前主民流亡十二月丁未星出大陵如金星至騰蛇沒狀如前主其下有積尸一曰水旱兵喪 三年四月戊申星出軫西北慢流入太微垣內屏星沒狀如前主外國有

急使期不出一年十二月甲子星出天大將軍西北急  
流入王良沒狀如前主大兵將出 四年正月甲申星  
出角如孟西南慢流入濁沒青白無尾迹主天子發使  
外國五月庚申星出河鼓西北急流入濁沒狀如前主  
諸侯作亂 一曰兵起十二月甲午星出參如杯東南慢  
流入軍市沒狀如前主大將出一曰有赦又云饑 五  
年六月庚午星出西東北急流入天市垣內沒狀如前  
主王者有憂 一曰闔臣出六月乙酉星出庫樓向西急  
流入濁沒狀如前主鄭分受兵九月癸卯星出天船慢  
流至諸王沒狀如前主水旱不時十二月壬戌星出奎  
文獻通考 卷一百一十五 象緯 古  
向南急流入天倉沒青白有尾迹及三丈明燭地聲散  
如裂帛主天子用文偃武 一曰歲熟 大觀元年二月  
丁卯星出參如杯西南急流入濁沒狀如前主天子遣  
使安邊 一曰米賤有赦 二年十二月癸卯流星出奎  
如孟西北急流入造父沒青白有尾迹照地明有聲主  
有溝瀆事 政和元年四月丙辰星出亢如孟西北急  
流至右攝提沒赤黃有尾迹照地明主兵來入計於王  
庭五月辛巳日未中星隕東南主下有兵流血 二年  
九月乙卯星出斗如杯西南急流入濁沒赤黃有尾迹  
照地明主大臣死 四年九月庚子星出危墳墓如孟

東南急流入羽林沒青白有尾迹照地明主人民安土  
功興一曰有喪諸侯憂 七年十二月甲子星出胃東  
南如孟西北急流至天大將軍沒赤黃有尾迹照地明  
主天子以金玉賞大臣外國有來降者一曰趙分五穀  
熟 八年九月庚辰星出斗魁南如孟東南急流至天  
淵沒赤黃有尾迹照地明主不出其年兵起一曰大臣  
死江河溢 宣和元年三月丁卯星出柳如孟東北急  
流入太微垣赤黃有尾迹照地明主多雨水一曰周分  
憂兵起外國或有急使十月戊子星出雲雨如孟西南  
慢流入羽林軍內沒青白照地明主后憂疾大風雨

文獻通考

卷之三

象緯

五

二年十二月辛巳星出奎西南如杯西南慢流至壁沒  
赤黃有尾迹照地明主其下破軍殺將一曰天子好道  
用故臣 四年十一月丙寅星出王良北如杯急流至  
紫微垣內上輔北沒赤黃有尾迹照地明主匈奴兵起  
天下大亂上輔人君惡之 五年二月丙午星出北河  
東北如杯東南慢流至軫沒赤黃有尾迹照地明主天  
下有難 六年七月丁酉星出大陽守如孟東北急流  
入濁沒赤黃有尾迹照地明主將相憂兵革興 七年  
十月戊子星出王良北如杯急流入紫微垣上輔北赤  
黃有尾迹照地明主大兵將起天下大亂人君惡之

欽宗靖康元年二月丙辰星出張如金星東南急流至濁沒青白有尾迹照地明主有赦令三月壬辰星出紫微垣內句陳東南如金星東北慢流至濁沒赤黃有尾迹照地明主兵起土功興一曰人君惡后妃憂六月癸丑星流大如五斗器衆光隨之明照地起東南墜西北有聲如雷庚申星出紫微垣內華蓋東南如金星向北急流至左樞沒主發使有赦人君惡之 二年正月乙未大星出建向西南急流至濁沒赤黃有尾迹照地明主吳秦有兵

高宗建炎四年十月辛未流星出壁占文章士用自是

文獻通考

卷一百一十五

象緯

六

范冲等召 紹興元年三月甲戌流星出東方晝隕占其下有急兵破軍殺將其地流血七月乙未朔流星出河鼓占兵出十一月丁巳流星出天槍北占兵大起斧鉞用於是命韓世忠提兵入建州討范汝爲平之明年岳飛大破曹成 二年三月甲午流星出紫微垣華蓋西南占主內使出戊午流星出自權星西南照地明占有使來論兵事未幾王倫自虜還乃遣潘致堯等使虜金人遣李永壽等來議事四月乙巳流星出太微垣西右執法星北占主大臣有外事出天庭之門天子使也次月呂頤浩出師 六年十月流星出壁西北占天下

文章士與賢士並用於是胡安國尹焯召 七年八月  
有星隕於汴京是年金人廢僞齊 八年十一月乙巳  
流星出天困東北占有賑發事於是以米二萬石付岳  
飛賑京西湖北饑民又以錢五十萬付吳玠犒軍 二  
十六年六月乙亥流星出東北方照地明占流星晝隕  
其北大戰流血千里分屬燕野在幽 二十八年六月  
癸巳有星從西北離地約高一丈至西北沒 三十一  
年六月甲子飛星出氐宿入角宿赤黃色初小後大有  
小星相隨占爲兵八月壬午流星約長三丈晝隕占營  
頭也若晝見橫天明者臣下圖議誅罰善良

文獻通考

卷一百一十五

象緯

七

孝宗隆興元年七月丙申流星出天市垣內向西北慢  
流至右攝提西沒臨沒時炸散小星二十餘顆赤色有  
音聲有尾迹占天子欲有赦賜事庫倉盈溢五穀豐君  
喜入右攝提星則有外兵事來入計王庭炸散有聲皆  
爲怒氣天下不安急使馳驛色赤爲兵旱火八月庚申  
流星出羽林軍向東南急流至濁沒九月庚戌流星出  
紫微外垣座鉤星向西北急流抵紫微垣內座尙書沒  
十一月丁未飛星出天船星急流向紫微垣外座內廚  
西北沒炸出二小星青白色 二年二月辛酉飛星出  
權星慢流至大微垣內五帝座大星西南沒青白色微

有尾大如木星占兵起外國當有急使爲大人憂 三年九月戊戌大角搖動十一月壬午朔流星晝隕占臣下圖議誅罰忠良癸未夜流星出犯弧矢急流至天廟東南沒大如金星十二月壬午亦如之占胡兵起屠城殺將 乾道四年八月丙辰流星如蛇出自十二諸侯國代哭之間至師門之下沒占哭泣之象 五年九月丙辰流星如蛇入天棊占流星如蛇行者姦事也大而光者其貴人且衆也入天棊星爲天子之先驅分爭及刑罰 六年九月辛巳有星出狼星穿入弧矢星至濁

沒如土星大赤黃色有尾迹後化爲緊細白雲九刻乃

文獻通考

卷一百一十五

象緯

六

散占胡兵起當有屠城殺將尾迹化爲白雲其名大渭流血積骨縵縵如秦野在雍戎狄將亡之兆 七年七

月戊戌東北方蒼黑雲開有透雲流星如拳大急向西北方至濁沒狀如前占大使也凡流星暉然有光白長竟天曰人主之星相從三軍於是次年春遣虞允文出蜀治兵事九月甲午西南方流星急流至濁沒狀如前主兵刑民饑 淳熙七年五月乙亥流星出天市垣東

海慢流炸作三小星青白色尾迹照地如殘口占青爲

憂饑白爲兵 十一年四月乙丑流星透雲出自中天

慢流向東北方沒有尾迹後炸作散小星從青白色有

音聲大如金星是爲流星夕墜者占下有兵疫炸散有聲怒之象 十三年九月辛亥流星大如金星其色先赤後黃白尾約二尺委曲如蛇行有類枉矢占爲以亂伐亂又云枉矢臣不忠不良天下恐又云政暴虐枉矢如蛇行姦事

寧宗慶元二年九月甲午流星晝隕 四年六月甲午亦如之七月壬寅流星如盃大出羽林軍之下青白色占爲憂爲兵 嘉泰二年四月辛巳流星晝隕占赤色爲兵旱是歲大旱 四年十一月庚午流星出天津急

流天市垣占火災民疾 開禧元年十二月庚子流星

文獻通考

卷禧至

象緯

九

赤色及金色星大出中天向濁沒占爲兵旱火 二年六月癸丑流星出招搖入庫樓色占同上 六年五月癸亥流星晝隕占其地大戰覆軍流血千里九月癸卯流星夕隕占其下兵疫色赤爲兵旱丁巳流星晝隕於是金國亂十月戊戌流星出自昴宿西南慢向天廩東南沒占兵起他國使來有赦令入天廩色赤爲旱火黃則大熟 七年四月壬午流星出自軫宿距星東南慢流至濁沒有使出辛卯流星出自天津西南慢向心宿西北沒占如前是秋金人使來索歲幣 十六年十一月壬戌流星怒聲如雷

文獻通考卷二百九十二終

卷九十二

象緯

子

文獻通考卷第二百九十三上

鄱陽馬端臨貴與著

象緯考十六上

星晝見

漢安帝永初二年正月戊子太白晝見占為強臣前志曰太白

白晝見強國弱時鄧氏方盛 五年六月辛丑太白晝

小國強女主昌見經天春秋漢含孳曰陽弱辰逆太白經天注云陽

元初四年正月乙未太白晝見丙上以下書日書見者皆太白晝見也

順帝永建二年二月癸未太白晝見三十九日閏月乙

酉見東南維四十一日 五年閏月庚子 六年十月

文獻通考 卷九十五上 象緯 一

乙卯 永和二年五月戊申 三年二月辛巳戊子在

熒惑西南光芒相犯三月壬子六月丙午八月乙卯俱

太白晝見太白者將軍之官又為西州晝見陰盛與君

爭明熒惑與太白相犯為兵喪是時大將軍梁商父子

秉勢故太白常晝見也 漢安二年正月己亥太白晝

見七月甲申見韓揚占曰天下有喪一曰有白衣之會

明年八月順帝崩 又明年冲帝崩

孝桓元嘉元年二月戊午太白晝見 永興二年閏月

丁酉見時上幸後宮采女鄧猛後四年梁后崩梁冀誅

猛立為后恩寵甚盛 永壽元年九月己酉晝有流星

長二尺其色黃白 延熹九年七月太白晝見經天爲  
兵憂在大人後一年桓帝崩太傅陳蕃大將軍竇武等  
謀誅宦官不克皆枉死

魏文帝黃初四年六月甲申太白晝見按劉向五紀論  
曰太白少陰弱不得專行故以己未爲界不得經天而  
行經天則爲晝見其占爲兵喪爲不臣爲更王強國弱  
小國強是時孫權受魏爵號而稱兵距守 五年十月  
乙卯見占同上 六年十一月丙寅見南斗遂歷八十  
餘日恆見占曰吳有兵明年孫權遣張彌等將兵萬人  
錫公孫淵爲燕王淵斬彌等虜其衆

文獻通考

卷一百一十一

象緯

二

明帝青龍三年五月丁亥見積三十餘日以晷度推之  
非秦魏則楚時諸葛亮據渭南宣帝與相持孫權寇合  
肥入淮沔天子親東征蜀本秦地則爲秦魏楚兵悉起  
矣 四年三月己巳太白與月俱加景晝見月犯太白  
占同上 景初元年十月壬申見在尾歷二百餘日恆  
晝見占曰尾爲燕有兵時公孫淵自立爲燕王置百官  
發兵距守宣帝討滅之

晉惠帝元康六年十月乙未太白晝見 永康元年見  
占曰爲不臣是月賈后殺太子趙王倫廢殺后及張華  
明年倫篡位 永寧元年自正月至於閏月五星互經

天縱橫無常傳曰日陽君道也星陰臣道也日出則星  
亡臣不得專也晝而星見午上者爲經天其占爲不臣  
爲更王今五星悉經天天變所未有也石氏說曰辰星  
晝見其國不亡則大亂是後台鼎方伯互執大權二帝  
流亡遂至六夷更王迭據華夏亦載籍所未有也其四  
月歲星晝見五月太白晝見占同前 二年四月癸酉  
歲星晝見占曰爲臣強時齊王問定京都因畱輔政專  
驚無君成都河閒長沙王討之間兵敗夷滅

成帝咸康四年四月己巳太白晝見在柳占爲兵爲不  
臣明年石虎大寇沔南內外戒嚴

文獻通考

卷一百一十五

象緯

三

穆帝永和十年七月庚午太白晝見晷度推之災在秦  
鄭時桓温伐苻堅破其嶢柳軍十二月慕容恪攻齊

十二年六月庚子見在東井占如上 升平四年十二

月庚辰見

哀帝興寧元年十月太白晝見在亢占亢爲朝廷有兵  
喪爲臣強時桓温方擅兵明年庾后崩

簡文咸安二年太白晝見在七星

孝武寧康二年十二月甲申太白晝見在氐氐兗州分

野 太元元年八月癸酉見在氐 二年九月壬午見

在角 六年九月丙子見 七年十一月太白又晝見

在斗占曰吳有兵喪 八年四月甲子又晝見在參占  
曰魏有兵喪是月桓沖征沔漢楊亮伐蜀竝拔城略地  
八月苻堅自將百萬入寇攻沒壽陽劉牢之謝元等破  
之堅衆大潰至九年六月太后褚氏崩八月謝元出屯  
彭城經略中州 九年七月庚戌見十一月丁巳又見  
十年四月乙亥晝見於畢昴占曰魏國有兵喪是時  
苻堅大衆奔潰趙魏兵連相攻堅爲姚萇所殺 十一

年三月戊申見在東井占曰秦有兵臣強六月甲申又  
見於輿鬼占曰秦有兵時魏姚萇苻登連兵相征不息  
甲午歲星晝見在胃占曰魯有兵臣強十二年慕容垂

文獻通考

卷一百一十五

象緯

四

寇東阿翟遼寇河上姚萇假號安定苻登自立隴上呂  
光竊據涼土 十二年六月癸卯見在柳十月庚午見  
在斗 十三年正月庚戌又晝見 十四年四月己巳  
太白晝見於柳六月辛卯又晝見於翼九月庚寅又晝  
見於軫 十六年四月癸卯朔見 十七年七月丁丑  
見十月丁酉又晝見 十八年六月又晝見 十九年  
五月又晝見於柳六月辛酉又晝見於輿鬼九月又見  
於軫 二十年七月丁亥見在太微占曰太白入太微  
國有憂晝見亢爲兵喪 二十一年二月壬申太白晝  
見三月癸卯太白連晝在羽林占曰有強臣有兵喪中

軍兵起三月太白晝見於胃占曰中軍兵起

安帝隆安元年四月丁丑太白晝見在東井占曰秦有兵喪六月姚興攻洛陽郗恢遣兵救之冬萇死子泓代立二年六月戊辰攝提移度失常歲星晝見在胃亢州分野是年郗恢遣兵伐慕容寶於滑臺敗而還閏月太白晝見在羽林十一月犯東上相五年正月太白晝見自去年十二月在斗晝見至是月元興元年三月戊子太白犯五諸侯因晝見占曰諸侯有誅義熙元年七月庚辰見在翼軫占曰爲臣強荊州有兵喪三年正月丙子見在奎五月己丑見在參占曰益州有文獻通考

卷一百一十五

象緯

五

兵喪臣強六年六月甲午見七月太白犯少微而晝

見七年六月見在翼九年五月壬辰太白犯右執

法晝見

恭帝元熙元年七月己卯太白晝見自義熙元年至是太白經天者九革代更王臣失君之象也

宋文帝元嘉五年十一月日食星晝見

梁武帝天監四年六月壬戌歲星晝見占曰歲色黃潤立筭影見大熟是歲大穰米斛三十又曰星與日爭光武且弱文且強自此後帝崇尚文儒躬自講說終於太清不修武備普通四年十一月太白晝見六年五

月己酉太白晝見六月癸未太白經天 太清三年太白晝見占曰有大喪天下革政更王強國弱小國強其年帝爲侯景所幽虜

陳廢帝光大二年九月戊午太白晝見占曰太白晝見國更政易王其年十二月帝廢爲臨海王

周武帝天和元年十月乙卯太白晝見經天

隋文帝開皇元年三月甲申太白晝見占曰爲臣強爲革政四月壬午歲星晝見占曰大臣強有逆謀王者不安其後劉昉等謀反伏誅 二十年十月太白晝見占

曰大臣強爲革政易王右僕射楊素熒惑高祖廢太子

文獻通考

卷一百一十五

象緯

六

勇明年改元皆陽失位及革政易王之驗也

唐高祖武德元年五月庚午太白晝見占曰兵起臣強

二年九月庚寅見 九年五月見六月丁巳經天己

未又經天在秦分己卯見七月辛亥晝見甲寅晝見八月丁巳晝見大白上公經天者陰乘陽也

太宗貞觀二十二年七月太白晝見

高宗永徽元年五月己未太白晝見十二月乙未見

四年六月己丑見 龍朔元年六月辛巳太白晝見經

天 永隆元年五月丁酉太白晝見經天是爲陰乘陽

陽君道也

中宗景龍三年六月癸巳太白晝見在東井京師分野  
元宗開元十四年十月甲寅太白晝見  
肅宗至德二載七月己酉太白晝見經天至於十一月  
戊午不見歷秦周楚鄭宋燕之分

代宗永泰元年九月辛卯太白晝見經天 大歷八年  
八月己丑太白入太微晝見占曰兵入天廷 十一年  
閏八月丁酉太白晝見經天

憲宗元和九年七月太白入南斗至十月出乃晝見  
穆宗長慶元年三月庚戌太白犯五車因晝見至於七  
月以歷度推之在唐及趙魏之分占曰兵起 二年九

文獻通考

卷一百一十五

象緯

七

月太白晝見 四年三月庚午太白犯東井北轅遂入  
井中晝見經天七日而出因犯輿鬼京師分也六月己  
丑太白犯軒轅右角因晝見至於九月占曰相凶  
文宗太和六年四月己丑太白晝見 九年夏見自軒  
轅至於翼軫 開成二年六月己酉見  
僖宗乾符二年四月庚辰太白晝見在昴 三年七月  
常星晝見

昭宗光化三年十一月丁未太白犯月因晝見 天復

元年五月自丁酉至於己亥太白晝見經天在井度

後唐莊宗同光三年六月甲子太白晝見己巳見

明宗天成元年七月庚申太白晝見 長興二年五月  
癸亥見閏五月己巳歲晝見八月戊子太白晝見十月  
壬辰太白晝見 四年五月癸卯太白晝見

末帝清泰元年五月己未太白晝見

漢高祖天福十二年四月丙子太白晝見

隱帝乾祐二年四月壬午太白晝見

周太祖廣順二年太白經天

宋太宗太平興國八年三月丙寅有星晝出西南當未  
地青白尾迹二丈餘沒於東南有光明占曰未地有兵  
是年西戎入寇峇州擊敗之 淳化元年七月辛卯太

文獻通考

卷一百一十五

象緯

八

白在角西南一尺許司天言據纏次當行中道南乘左  
角主有謀不成按書太白形最大星中無比去太陽四  
十五度內晝見則占臣今占候太白晝見蓋去日極遠  
自然之理也

眞宗咸平三年六月太白晝見占曰爲兵喪 四年丙

寅太白晝見在南斗 五年三月丙午有星晝出心至

南斗沒赤光丈餘九月丁未有星晝出紫微垣如半升

器貫北斗沒 六年六月庚午有星晝出東方色黃白

有尾迹占曰兵偃民樂之象甲午太白晝見八月庚午

太白晝見 景德元年六月戊午有星晝出西南方赤

黃有尾迹速流丈餘沒十一月太白晝見占曰秦有兵  
二年四月甲辰太白晝見 三年七月乙巳太白晝  
見庚辰又晝見十二月太白晝見 四年三月庚申有  
星晝見出南方 大中祥符元年七月庚申太白晝見  
八月己丑有星晝出中天如太白有尾迹急流東南近  
日沒 二五五月乙亥有星晝出東方如太白尾迹赤  
黃流至日北沒占曰蠻夷起兵其年黎州蠻擾 四年  
六月丙午太白晝見八月乙巳太白晝見 六年五月  
乙巳有星晝出南方赤光逆逸若五升器照地明壬午  
太白晝見 七年七月癸卯太白晝見十一月癸未  
有

文獻通考

卷一百一十五

象緯

九

星晝出日西南大如盃尾迹二丈餘濶三寸許青白色  
西流而沒占曰爲旱火明年榮王官火 九年五月庚  
午太白晝見 天禧三年六月辛卯太白晝見占曰女  
主昌八月辛卯又晝見 四年七月丁巳太白晝見  
五年八月丙午太白晝見  
仁宗天聖元年十一月壬辰太白晝見占曰有兵兵罷  
無兵兵起不利先舉 天聖二年六月丁卯晝漏上星  
出中天赤黃色有尾迹西南緩行入濁占曰大使以兵  
事出其方行緩事遲 三年六月壬戌太白晝見十二  
月戊寅見 五年五月壬寅見 明道元年七月見三

十日 慶歷三年八月甲寅見 皇祐三年四月丙午

見 至和元年五月壬辰見九月己丑見十月辛卯見  
三年四月己丑見占曰太白少陰晝見於丙其占爲

兵爲不臣 嘉祐二年六月己未見占如上九月戊戌  
晝漏上中天有星出狼大如杯東南速行至濁沒尾迹  
青白占曰流星大者使大今晝而星流主大使出狼星  
有盜賊侵掠之事 四年正月庚戌太白晝見占曰太

白少陰弱不得專行故以己未爲界不得經天而行經  
天則晝見其占爲兵喪爲不臣強國弱小國強以日宿  
推之屬秦魯分宜於其地謹備兵寇以應天象七月辛

文獻通考

卷一百一十五

象緯

十

丑見占曰西戎秦地防邊事十月乙丑晝漏上星出天  
將軍西南行至濁沒色青白尾迹疑天良久散 五年

三月乙未歲星晝見占曰爲臣強爲兵寇今推考歲星  
在女度屬青齊分宜於其地嚴設警備九月庚寅太白  
晝見 六年六月乙丑太白星晝見壬申歲星晝見占

曰日者陽君道也星者陰臣道也日出則星亡臣不得  
專也今晝而星見其占爲不臣及兵賊事以分野占之

在衛分十一月癸丑晝星出東北維去地五丈許大如  
盃向東北緩行入濁尾迹青白占曰流星晝出大臣災  
色青白爲兵憂又主陰謀事以分野日辰推之在魯衛

分及北狄鴈門 七年五月戊午太白見占皆同四年七月事六月丙子歲星見占曰臣有不忠者七月己酉太白經天復見占曰兵喪民災臣不順命不救則四夷大動蠻貊來侵十月乙未見占曰爲不臣爲兵喪 八年七月癸亥歲星晝見占曰臣強屬趙翼分

英宗治平元年正月戊戌太白晝見占同嘉祐七年十月六月辛酉見占曰秦分兵喪壬戌歲星見占曰臣強二年六月己丑晝有星出中天大如盃西速行至濁沒尾迹赤黃占曰流星晝見明大民災兵革動速行人濁其下陰謀相奪七月庚申晝漏未上星出紫宮西行

文獻通考

卷一百一十五

象緯

七

曳尾長二丈沒尾迹青白占曰有使出西方言兵事丁丑太白見占曰爲兵喪爲不臣十二月辛亥見占如上神宗治平四年二月丁酉太白晝見主爲兵爲大臣大國弱小國強閏三月癸未見主兵凶五月辛巳見七月癸卯見八月丁未見皆主有兵兵罷無兵兵起或大臣有咎 熙寧元年十一月癸酉見占太白少陰弱晝見於午爲兵喪爲不臣 二年六月壬戌見主秦分兵喪

三年五月癸巳見九月壬子皆見主爲兵爲占同五月丙午見 八年三月戊午見七月戊寅見皆主兵

九年十月乙酉見 十年五月甲戌見 元豐元年四

月癸亥見主秦分兵或喪 三年七月戊子見占同  
四年七月己丑見 六年八月己卯見 七年十一月  
乙卯見主爲兵爲不臣

哲宗元祐元年六月庚戌見主無兵兵起有兵兵罷十  
月庚寅見主秦地疆 三年二月辛丑見七月辛未見  
主秦分兵動 六年四月壬寅見閏八月乙丑見 七  
年十一月辛巳見 八年四月己未見 紹聖元年正  
月壬午晝星出中天如太白西南急流入濁沒赤黃主  
兵五月己酉太白晝見六月丁丑晝有飛星出東南如  
太白西北急流至中天沒青白有尾迹明燭地主國有  
文獻通考 卷四十五 上 象緯 三  
喜九月庚申太白晝見 二年十一月丙申見主兵起  
三年五月壬子見 四年三月己未晝星出東南丙

位如太白西南急流至未位沒赤黃有尾迹主秦分有  
兵及大疫六月己酉太白晝見 元符二年五月甲辰  
見主秦地有兵八月癸巳太白歲晝見主天下偃武罷  
兵天子崇尚文學任用賢能

徽宗崇寧元年六月己酉見 三年正月癸卯見 大  
觀二年十一月丁未見 四年十月戊戌見 政和三  
年十二月辛酉見 四年十月乙丑見 五年三月辛  
未見 八年十月己卯見 宣和二年六月丁丑見

六年十一月丙子見皆爲大國弱小國強女后昌

高宗建炎元年十月甲戌太白晝見 紹興元年四月

壬申太白晝見占爲兵喪是月隆祐太后崩諸路兵盜

未息 四年五月庚子太白晝見經天於是金人及僞

齊合兵入寇韓世忠敗之於大儀鎮十一月戊申太白

晝見經天於是始下詔聲劉豫罪致討金人入光州陷

滁州諸將退保逾月虜始退師 六年正月壬辰太白

晝見經天於是諸將進攻劉豫豫以金人之師入寇諸

將擊破之 十七年五月辛丑太白晝見占爲兵喪爲

不臣大臣行毒不出三年於是秦檜醜殺牛臯 二十

文獻通考

卷一百一十五

象緯

三

八年六月壬辰太白晝見時虜亮再營汴將徙都舉兵

南寇

孝宗隆興元年七月丙申太白經天晝見 二年六月

戊辰七月庚子俱太白晝見 乾道元年三月甲寅乙

亥太白俱晝見經天 二年二月庚子流星晝見四月

甲申五月甲寅九月庚午太白俱晝見占不出三年有

大喪 三年九月戊子太白晝見 四年五月六月辛

卯太白俱晝見 五年六月庚寅太白晝見十一月甲

子五星晝見 淳熙三年五月癸酉太白經天晝見

四年十一月壬戌太白晝見 六年七月乙丑癸未太

白俱經天晝見 九年六月庚申甲子九月癸巳太白  
俱晝見 十一年五月乙卯太白晝見 十二年六月  
戊寅七月丁酉太白晝見至八月壬申乃伏 十四年  
六月辛卯七月辛丑太白俱晝見

光宗紹熙元年五月丙子太白晝見 四年六月丙寅  
十一月甲戌俱太白晝見

寧宗慶元元年三月庚寅七月己亥太白俱晝見 四

年九月壬寅癸卯太白俱晝見 嘉泰元年六月丙午

十一月己巳十二月己卯太白俱晝見占爲兵喪爲不

臣爲秦強 三年六月癸亥太白經天晝見 開禧元

文獻通考

卷一百一十五

象緯

十四

年三月庚申太白晝見 二年五月壬寅太白晝見

三年十二月乙巳太白晝見金人陷隨州 嘉定元年

五月甲子太白晝見時江西黑風峒爲亂 四年七月

壬戌太白晝見於是攻金人甚急 五年九月丙午太

白晝見 六年二月丁丑太白晝見於是金國亂十二

月壬辰流星晝隕 七年五月丁丑八月乙巳太白晝

見是歲金虜遷都於汴 九年五月癸酉太白晝見明

年金人入寇 十年六月乙丑癸酉十一月戊戌太白

俱晝見於是下詔北伐金虜寇四川山東李全來歸

十三年二月庚子三月丁亥六月辛未辛卯太白俱晝

見經天於是金人犯淮蜀九月甲午太白晝見 十四  
年三月甲午太白晝見 十五年五月庚戌九月辛未  
太白俱晝見 十七年六月丁卯太白晝見

文獻通考

卷之三十一

象緯

五

文獻通考卷二百九十三上終

文獻通考卷第二百九十三下

鄱陽馬端臨貴與著

象緯考十六下

五星聚舍

周將伐殷五星聚房

齊桓公將伯五星聚箕

漢高帝元年十月五星聚於東井以歷推之從歲星也

李奇曰歲星得其正度其四星隨比常正行故曰從也孟康曰歲星先至先至爲主也客謂張耳

曰東井秦地漢王入秦五星從歲星聚當以義取天下

魏崔浩集諸歷家考校漢元以來日月薄食五星行

文獻通考

卷九十三下

象緯

一

度并譏前史之失別爲魏歷以示高允允曰漢元年

十月五星聚東井此乃歷術之淺事今議漢史而不

覺此謬恐後人之譏今猶今之譏古也浩日所謬云

何允曰按星傳太白辰星常附日而行十月日在尾

箕昏沒於申南而東井方出寅北二星何得背日而

行是史官欲神其事不復推之於理也浩曰天文欲

爲變者何所不可邪允曰此不可以空言爭也宜更

審之坐者咸怪之唯東宮少傅游雅曰高君精於歷

數當不虛也後歲餘浩謂允曰先論本不經心及更

考究果如君言五星乃以前三月聚東井非十月也

衆乃歎服

孝文後六年四月乙己水木火三合於東井占曰內外有兵與喪改立王公東井秦分也是歲誅反者周殷長安市其七年六月文帝崩其十一月戊戌土水合於危占曰爲雍沮所當之國不可舉事用兵必受其殃一曰將覆軍危齊也

孝景元年正月癸酉金水合於婺女占曰爲變謀爲兵憂婺女粵也又爲齊其七月乙丑金木水三合於張占曰內外有兵與喪改立王公張周地今之河南又爲楚其二年七月丙子火與水晨出東方因守斗占曰其

文獻通考

卷一百一十五 下

象緯

二

國絕祀至其十二月水火合於斗占曰爲萍不可舉事用兵必受其殃一曰爲北軍用兵舉事大敗斗吳分也又爲粵是歲立六皇子爲王王淮陽汝南河閒臨江長沙廣川其三年七國反漢遣大將軍周亞夫討平之吳王亡走粵粵攻而殺之齊趙諸國兵皆敗 中三年正月丁亥金木合於觜觶爲白衣之會其五月甲午金木俱在東井戊戌金去木畱守之二十日占曰傷成於戌木爲諸侯誅將行於諸侯也十一月庚午夕金火合於虛相去一寸占曰爲鑠爲喪虛齊也 四年四月丙申金木合於東井占曰爲白衣之會并秦也 其五年四

月乙巳水火合於參占曰國不吉參梁也其六年四月  
梁孝王死五月城陽王濟陰王死六月成陽公主死出  
入三月天子四衣白臨邸第 後元年五月壬午火金  
合於輿鬼之東北不至柳出輿鬼北可五寸占曰爲鑠  
有喪輿鬼秦也丙戌地大動鈴鈴然民大疫死棺費至  
秋止

後漢章帝建初五年二月戊辰木火俱在參五月戊寅  
木水在東井黃帝星經曰木守東井有土功之事一曰  
大水邠萌日歲星守參后當之熒惑守大人當之

和帝永元二年正月乙卯金木俱在奎丙寅水又在奎  
文獻通考 卷一百一十五 象緯 三

巫咸曰辰守奎多水火災亦 奎主武庫兵三星會又爲  
爲旱古今注曰土在東井

兵喪辛未水金木在婁亦爲兵又爲匿謀 邠萌曰辰守

無兵兵起巫咸石氏云多火災古今注丙 五年四月  
寅水在奎土在東井金在婁木火在昴

癸巳太白熒惑辰星俱在東井 黃帝經曰五星及客星

早又曰太白入東井留一日以上乃 東井秦地爲法三  
占大臣當之期三月若一年遠五年

星合內外有兵又爲法令及水其六年七月水大漂沒  
人民傷五穀九月遣兵征叛胡 七年二月癸酉金火

俱在參 巫咸占曰熒惑守參多火災海中占曰爲旱 戊  
太白守參國有反臣邠萌曰有攻戰伐國也

寅金火俱在東井 邠萌曰熒惑守井百川皆滿太白又

將相 八月甲寅火土金俱在軫 春秋緯曰五星有入軫  
者皆爲兵大起巫咸占

曰五星入軫者司其出日而數之期二十日皆爲兵發  
司始入處之率一日期十日軍罷石氏星經曰辰星守  
軫歲水鄉萌曰鎮星出入雷舍軫六十日不下必有大  
喪春秋緯曰太白入軫兵大起鄉萌曰太白守軫必有  
死十一月甲戌金火俱在心洛書曰太白守十二月己

卯有流星起文昌入紫宮消丙辰火金水俱在斗流星

入紫宮金火在心皆爲大喪三星合軫爲白衣之會金

火俱在參東井皆爲外兵有死將三星俱在斗有戮將

若有死相八年四月樂成王黨七月樂成王宗皆薨將

兵長史吳琴坐事徵下獄誅元興元年閏七月辛亥

金水俱在氏

孝殤帝延平元年正月丁酉金火在婁金火合爲爍爲

文獻通考

卷一百一十五下

象緯

四

大人憂是歲八月帝崩

孝靈光和三年十月歲星熒惑太白三合於虛相去各

五六寸如連珠占曰火木金三合爲喪至中平六年宮

車晏駕虛齊地明年琅琊王據薨

孝獻建安十八年秋歲星鎮星熒惑俱入太微逆行雷

守帝坐百餘日占曰歲星入太微人主改

魏明帝太和四年十一月壬戌太白犯歲星占曰有大

兵五年三月諸葛亮以大衆寇天水宣帝爲大將軍拒

退之青龍二年二月己未太白犯熒惑占曰大兵起

有大戰是年四月諸葛亮據渭南吳亦起兵應之魏東

西奔命

晉惠帝元康三年鎮星歲星太白三星聚於畢昴占曰  
爲兵喪畢昴趙地也後賈后陷殺太子趙王廢后又殺  
之斬張華裴頠遂篡位廢帝爲太上皇天下從此遘亂  
連禍 永寧二年十一月熒惑太白鬪於虛危占曰大  
兵起破軍殺將虛危又齊分也十二月熒惑襲太白於  
營室占曰天下兵起亡君之戒一曰易相初齊王罔之  
京都因雷輔政遂專傲無君是月成都河間檄長沙王  
又討之罔又交戰攻焚宮闕罔兵敗夷滅又殺其兄上  
軍將軍實以下二千餘人泰安二年成都又攻長沙於

文獻通考

卷一百一十五

象緯

五

是公私饑困百姓力屈

泰安三年正月熒惑犯歲星

占曰有戰七月左衛將軍陳眆奉帝伐成都六軍敗績

光熙元年九月鎮星犯歲星占曰鎮與歲合爲內亂

是時司馬越專權終以無禮破滅內亂之應也十二月  
癸未太白犯鎮星占曰爲內兵有大戰是後河間王爲  
東海王越所殺明年正月東海王越殺諸葛珉等五月  
汲桑破馮嵩殺東燕王八月荀晞大破汲桑

懷帝永嘉六年七月熒惑歲星太白聚牛女之間徘徊  
進退按占曰牛女揚州分是後兩都傾覆而元帝中興

揚土

元帝建武元年五月癸未太白熒惑合於東井占曰金火合曰燥爲喪是時愍帝蒙塵於平陽七月崩於寇庭大興二年七月甲午歲星熒惑會於東井八月乙未太白犯歲星合於房占曰爲兵饑三年六月丙辰太白與歲星合於房占同上永昌元年王敦攻京師六軍敗績王敦尋死

成帝咸康三年十一月乙丑太白犯歲星於營室占曰爲兵饑四年二月石季龍破幽州遷萬餘家以南五年季龍衆五萬寇沔南略七千餘家而去又騎二萬圍陷邾城殺略五千餘人四年十二月癸丑太白犯鎮星

文獻通考

卷一百一十五

象緯

六

在箕占曰王者亡地七年慕容皝自稱燕王七年三月太白熒惑合於太微中犯左執法明年顯宗崩八年十二月己酉太白犯熒惑於胃占曰大兵起其後庾翼大發兵謀伐石季龍專制上流康帝建元元年八月丁未太白犯歲星在軫占曰有大兵是年石季龍將劉寧寇沒狄道

穆帝永和四年五月熒惑入婁犯鎮星占曰兵大起有喪災在趙其年石季龍死來年冉閔殺石遵及諸胡十萬餘人其後褚裒北伐喪衆而薨六年三月戊戌熒惑犯歲星占曰爲戰七年三月戊子歲星熒惑合於

奎其年劉顯殺石祇及諸胡帥中土大亂 十二年七月丁卯太白犯鎮星在柳占曰周地有大兵其年八月桓溫伐苻健退因破姚襄於伊水定周地 升平二年八月戊午熒惑犯鎮星在張占曰兵大起 三年八月庚午太白犯鎮星在太微中占曰王者惡之 五年十月丁卯熒惑犯歲星在營室占曰大臣有匿謀一曰衛地有兵時桓溫擅權謀移晉室

海西公太和元年八月戊午太白犯歲在太微中 三年六月甲寅太白掩熒惑在太微端門中六年海西公廢

文獻通考

卷一百一十五

象緯

七

簡文咸安二年正月己酉歲星犯鎮星在須女占曰爲內亂七月帝崩桓溫擅權謀殺侍中王坦之等內亂之應

孝武寧康二年十一月癸酉太白掩熒惑在營室占曰金火合爲爍爲兵喪太元元年七月苻堅伐涼州破之虜張天錫 太元十年十二月己丑太白犯歲星占曰爲兵饑是時河朔未平兵連在外冬大饑 十七年九月丁丑歲星熒惑鎮星同在亢氏十二月癸酉鎮星去熒惑歲星猶合占曰三星合是謂驚立絕行內外有兵喪與饑改立王公 十九年十月太白鎮星熒惑辰星

合於氐十二月癸丑太白犯歲星在斗占曰爲亂饑爲  
丙兵斗吳越分至隆安元年王恭等舉兵顯王國寶之  
罪朝廷殺之是後連歲水旱饑

安帝隆安元年二月歲星熒惑皆入羽林占曰中軍兵  
起四月王恭等舉兵內外戒嚴 元興元年八月庚子

太白犯歲星在上將東南占曰楚兵饑一日災在上將  
二年桓元篡位劉裕盡誅桓氏 二年十月丁丑太白

犯鎮星在婁占同上 三年二月壬辰太白熒惑合於  
羽林劉裕起義兵桓元逼帝東下 義熙二年十二月

丁未熒惑太白皆入羽林又合於壁三年正月慕容超  
文獻通考

卷一百一十五

象緯

八

寇淮北徐州至下邳八月遣劉敬宣伐蜀 三年二月

癸亥熒惑鎮星太白辰星聚於奎婁從鎮星也徐州分

是時慕容超僭號於齊兵連徐兗連歲寇鈔至於淮泗  
姚興譙縱僭號秦蜀盧循及魏南北交侵其五年劉裕

北殄慕容超其六月辛卯熒惑犯辰星在翼占曰天下  
兵起八月己卯太白掩熒惑占曰有大兵其四年姚略

遣衆征赫連勃勃大爲所破 五年四月甲戌熒惑犯  
辰星在東井占曰皆爲兵十二月辛丑太白犯歲星在

奎占曰大兵起魯有兵是年四月劉裕討慕容超六年

二月滅慕容超於魯地 七年七月丁卯歲星犯鎮星

在參占曰歲鎮合爲內亂一曰益州戰不勝亡地是時  
朱齡石伐蜀後竟滅之明年誅謝混劉毅 八年十月  
甲申太白犯鎮星在東井占曰秦有大兵 九年二月  
庚午熒惑鎮星皆犯東井占曰秦有兵三月壬辰歲星  
熒惑鎮星太白聚於東井從歲星也東井秦分十三年  
劉裕定關中其後遂移晉祚 十四年十月癸巳熒惑  
入太微犯西蕃上將仍順行至左掖門內留二十日乃  
逆行至恭帝元熙元年三月五日出西蕃上將三尺許  
又順還入太微時鎮星在太微熒惑繞鎮星成鉤已其  
年四月庚戌從端門出占曰熒惑與鎮星鉤已天庭天  
文獻通考 卷一百一十五 象緯 九  
下更紀十二月安帝母弟琅琊王踐阼是曰恭帝來年  
禪於宋

宋文帝元嘉二十三年二月金火水合於東井

梁武帝普通七年正月癸卯太白歲星在牛相犯占曰  
其國君凶易政明年三月改元大赦

陳武帝永定三年六月庚子鎮星在鉞與太白并占太  
白與鎮合爲疾爲內兵

文帝天嘉五年四月庚子太白歲星合在奎金在南木  
在北相去二尺許壬寅太白歲星合在婁相去一尺許  
六年正月己亥太白犯熒惑相去二寸占曰其野有

兵喪改立侯王九月乙巳太白又犯熒惑明年帝崩少  
帝廢

廢帝光大元年八月壬午鎮星辰星合於軫九月戊午  
辰星太白相犯占曰改立侯王 二年九月庚戌太白  
逆行與鎮星合在角占曰爲白衣之會又曰所合之國  
爲亡地爲疾兵十二月廢帝爲臨海王太建二年薨  
宣帝太建十一年四月己丑歲星太白辰星合於東井  
十一年十二月癸酉辰星在太白上甲戌辰星太白  
交相掩占曰大兵在野大戰

魏道武天賜四年二月癸亥金水土聚

文獻通考

卷一百一十五

象緯

十

節閔帝普泰元年十月歲星熒惑鎮星太白聚於觜參  
色甚明大占曰當有王者興其月齊高祖起於信都至  
中興二年破爾朱兆開霸業

齊文宣天保十年六月庚子鎮星犯井鉞與太白并占  
日子爲元枵齊之分野君有戮死者大臣誅鎖斧用其  
明年常山王誅楊愔等廢少帝

武成河清四年正月己亥太白犯熒惑相去二寸在奎  
甲辰太白熒惑星合在婁占曰甲爲齊三星若合是  
謂驚立絕行其分有兵喪改立侯王

後主武平三年八月癸未鎮星歲星太白合於氏宋之

分野占曰其國有內外喪改立侯王四月陳將吳明徹寇彭城右僕射崔季舒等諫帝不宜北幸并州帝怒竝誅之內外兵喪之應

周武帝保定二年十一月壬午熒惑犯歲星於危南

五年太白熒惑歲星合於婁 天和二年五月己丑歲

星與熒惑合在井宿相去五尺井爲秦分占曰其國有

兵爲饑旱大臣匿謀下有反者若亡地閏六月丁酉歲

星太白合在柳相去一尺七寸柳爲周分占曰爲內兵

又曰主人凶憂失城是歲陳相州刺史華皎率衆來附

遣兵援之因而南伐衛公直與陳將戰於沌口王師失

文獻通考

卷之三十一

象緯

十一

利遂沒陳 天和六年六月庚辰熒惑太白合在張宿

相去一尺占曰主人兵不勝所合國有殃 建德元年

三月丙辰熒惑太白合於壁占曰其分有兵喪不可舉

事用兵必受殃改立侯王其月誅晉公護等及其黨詔

以齊公憲爲大冢宰七月丙午辰與太白合於井相去

七寸占曰其下之國必以重德致天下後半年平齊致

天下之應 二年十一月壬子太白掩鎮星在尾占曰

鎮星爲女主尾爲後宮明年皇太后崩 三年十一月

丙子歲星與太白相犯光芒相及在危占曰其野兵人

主凶失其城邑 宣政元年六月壬午癸丑木火金三

星合在井占曰其國霸又曰內外有兵喪改立王侯七月丙辰熒惑太白合於七星相去二尺八寸占曰君憂又曰其國有兵改立王侯有德興無德亡後一年改置四輔官傳位太子改立王侯之應也

宣帝大象元年四月戊子太白歲星辰星合在井占曰是謂驚立是謂絕行其內外有兵喪改立侯王其五月趙陳越代滕五王竝入國後二年隋受命宇文氏宗族相繼誅滅十月乙酉熒惑在虛與鎮星合占曰兵大起將軍爲亂大人惡之是月相州段德舉謀反伏誅明年杞公宇文亮舉兵反擒殺之二年七月壬子歲星太白合於張九月甲申熒惑歲星合於翼

文獻通考

卷九十五

下

象緯

三

唐高祖武德元年七月丙午鎮星太白辰星聚於東井關中分也二年三月丙申鎮星太白辰星復聚於東井九年六月己卯歲星辰星合於東井占曰爲變謀太宗貞觀十八年五月太白辰星合於東井占曰爲兵謀十九年六月丙辰太宗征高麗次安市城太白辰星合於東井史記曰太白爲主辰星爲客爲蠻夷出相從而兵在野爲戰

高宗永徽元年七月辛酉歲星太白合於柳在秦分占

曰兵起

中宗景龍元年十月丙寅太白熒惑合於虛危占曰有喪

獻宗景雲二年七月鎮星太白合於張占曰內兵 太極元年四月熒惑太白合於東井

元宗天寶九載八月五星聚於尾箕熒惑先至而又先去尾箕燕分也占曰有德則慶無德則殃 十四載二月熒惑太白鬪於畢昴井鬼閒至四月乃伏 十五載五月熒惑鎮星同在虛危中天芒角大動搖占者以爲北方之宿子午相衝災在南方

肅宗至德二載四月壬寅歲星熒惑太白辰星聚於鶉文獻通考

卷一百一十五

象緯

三

首從歲星也罰星先去而歲星留占曰歲星熒惑爲陽太白辰星爲陰陰主外邦陽主中邦陽與陰合中外相連以兵八月太白芒怒掩歲於鶉火又晝見經天鶉火周分也 乾元元年四月熒惑鎮星太白聚於營室太史南宮沛奏其地戰不勝衛分也

代宗大歷三年七月壬申五星竝出東方占曰中國利八年閏十一月壬寅太白辰星合於危齊分也 十

年正月甲寅歲星熒惑合於南斗占曰饑旱吳越分也 一曰不可用兵七月庚辰太白辰星合於柳京師分也

德宗建中二年六月熒惑太白鬪於東井 四年六月

熒惑太白復鬪於東井京師分也金火罰星鬪者戰象也 興元元年春熒惑守歲星在角亢占曰有反臣角亢鄭地 貞元四年五月乙亥歲星熒惑鎮星聚於營室占曰其國亡地在衛分 六年閏三月庚申太白辰星合於東井占曰爲兵憂戊寅熒惑犯鎮星在奎魯分也

憲宗元和九年十月辛未熒惑犯鎮星又與太白合於女在齊分 十年六月辛未歲星熒惑太白辰星合於東井占曰中外相連以兵 十一年五月丁卯歲星辰

星合於東井六月己未復合於東井占曰爲變謀而更

文獻通考

卷一百一十五

象緯

四

事十一月戊子鎮星熒惑合於虛危十二月鎮星太白辰星聚於危皆齊分也 十四年八月丁丑歲星太白辰星聚於軫占曰兵喪在楚分與南方夷貊之國 十五年三月鎮星太白合於奎占曰內兵徐州分也十二月熒惑鎮星合於奎占曰主憂

穆宗長慶二年二月甲戌歲星熒惑合於南斗占曰饑旱八月丙寅熒惑犯鎮星在昴畢因畱相守占曰主憂 四年八月庚辰熒惑犯鎮星於東井鎮星旣失行犯鉞而熒惑復往犯之占曰內亂

敬宗寶歷二年八月丁未熒惑鎮星復合於東井與鬼

間

文宗太和二年九月歲星熒惑鎮星聚於七星 三年  
四月壬申歲星犯鎮星占曰饑 四年五月丙午歲星  
太白合於東井 六年正月太白熒惑合於羽林十月  
太白熒惑鎮星聚於軫 八年七月庚寅太白熒惑合  
相犯推歷度在翼近太微占曰兵起 開成三年六月  
丁亥太白犯熒惑於張占曰喪 四年正月丁巳熒惑  
太白辰星聚於南斗推歷度在燕分占曰內外兵喪改  
立王公冬歲星熒惑俱逆行失色合於東井京師分也  
武宗會昌二年六月乙丑熒惑犯歲星於翼占曰旱

文獻通考

卷一百三十五

象緯

五

四年十月癸未太白熒惑合於南斗 咸通中熒惑鎮  
星太白辰星聚於畢昴在趙魏之分詔鎮州王景崇被  
袞冕軍府稱臣以獻之

僖宗文德元年八月歲星鎮星太白聚於張周分也占  
曰內外有兵爲河內河東地

昭宗光化三年十月太白鎮星合於南斗占曰吳越有  
兵

後唐莊宗同光二年八月甲申歲星熒惑合在翼十四  
度 三年九月丙辰太白歲星相犯

明宗天成二年正月甲戌熒惑歲星相犯 三年春正

月壬申金火合於奎九月庚辰鎮星歲星合於箕辛巳  
太白熒惑合於軫十二月壬寅金木相犯於斗  
晉出帝開運元年十二月癸丑太白犯辰

漢高祖天福十二年六月鎮星太白歲星熒惑聚於張  
占者云有帝王興於周者高祖起義自平陽趨洛以應  
之及隱帝將嗣位又封周王暨周太祖登位以姬姓之  
後復繼宗周天人之符乃有所屬

隱帝乾祐二年九月庚戌太白犯鎮丁卯太白犯歲鎮  
自元年八月己丑入太微垣犯上將執法內屏謁者鉤  
已往來至是歲十一月辛亥而出凡四百四十三日十一月辛

文獻通考

卷一百一十五

象緯

六

酉太白犯木

周太祖廣順元年十一月辰星歲星合宿於尾幽燕之  
分占其地合有變兼主饑饉疾疫

宋太祖建隆三年十一月壬申歲星熒惑合於房 乾  
德四年六月己亥太白熒惑合於張 五年三月五星  
如連珠聚於奎當魯分從鎮星晨見東方占曰有德受  
慶大人奄有四方子孫蕃昌從鎮星王者以重致天下  
重福明年眞宗降誕 六年正月壬寅歲星鎮星太白  
合於婁 開寶三年五月庚戌太白鎮星合於畢相去  
二寸許六月乙未太白歲星合於東井相去四寸許

五年十月甲辰太白熒惑合於牽牛

太宗雍熙二年七月丙戌熒惑歲星合於軫 三年五

月丙戌熒惑太白合於畢 四年十二月丁巳太白鎮

星歲星合於南斗魁 端拱二年九月乙巳鎮星熒惑

合於南斗相去尺餘十一月壬辰歲星熒惑合於危

淳化二年正月癸丑鎮星太白合於須女三月癸丑太

白歲星合於婁太白在歲星南 二年正月丙辰太白

熒惑合於婁歲星在胃日官鄭昭晏言測金火行度合

相犯今火行而南金稍北有若相避 五年六月丙午

歲星太白合於柳相去三寸許 至道元年五月庚戌

文獻通考

卷一百一十五

象緯

七

歲星太白太陰同度不相犯乙卯鎮星熒惑合於東壁

相去七寸許丙辰太白歲星合於七星不相犯

眞宗景德三年七月己酉辰星歲星太白合於柳 四

年七月五星當聚鶉火既而近太陽同時伏占曰猶臣

避君之明九月戊子歲星合於翼 大中祥符元年九

月乙酉太白歲星合於角亢占在兗州之野其年東封

泰山十月庚寅五星順行同色 六年正月癸巳五星

順行五色占曰天下兵偃 天禧二年八月癸丑歲星

熒惑合於張占曰東宮大慶其年仁宗升儲

仁宗天聖元年三月丁丑火犯木占曰天下受福 二

年九月戊申金犯火 三年五月癸巳金水相犯於井

五年六月辛卯火犯土壬辰掩土 七年五月辛未

金犯土在畢宿一度半 八年六月乙酉金犯火 景

祐元年閏六月庚辰金犯土 二年五月丁亥又犯土

九月辛巳火犯土相去二寸許在張六度 三年五月

丁亥日官言太歲及歲星在北方宜飭備邊 四年九

月辛亥火犯土在翼十五度 康定元年九月壬申水

犯土 慶歷三年九月甲申金犯木 皇祐三年十一

月丁丑火犯土 至和三年九月乙巳金犯木 嘉祐

三年閏十二月甲戌火犯木躔斗四度占曰有子孫喜

文獻通考

卷一百一十五

象緯

六

燕分有兵 五年正月壬辰金犯木占曰爲戰陣大將

有憂宜飭兵備 六年三月癸巳火又犯木在營室占

曰衛地有兵又爲赦令七月己丑金犯土躔井十二度

占曰秦分兵饑 七年正月庚申又犯木占曰爲饑爲

兵營室衛分六月丁丑又犯火在翼一度半占曰內有

盜臣又爲兵事翼楚分也 八年四月己丑又犯木在

胃占曰趙分兵饑是日熒惑晨見東方先是自七年八

月庚辰夕伏積二百四十九日祈禳於集英殿其日始

見五月庚申火犯木在昴四度占曰子孫之福又宜察

趙分兵謀之事 慶元二年十一月癸卯金火星在東

英宗治平元年十一月庚午水犯金在尾十六度占曰  
辰星與太白合爲陰謀爲兵憂在燕趙分 二年四月  
丁巳金犯木占曰爲兵饑亦主后妃有憂戊子金犯土  
在張五度占曰太子不安周分有兵八月己亥火犯木  
躔柳七度半占曰秦分有兵謀亦爲赦令十月丙申又  
犯土在翼二度占曰南楚之分兵起 三年十二月癸  
卯金犯火躔危四度占曰有兵謀事

神宗治平四年九月癸巳太白犯鎮主兵或饑十月甲  
子熒惑犯鎮主兵大起十一月乙卯又犯歲主赦及天  
文獻通考 舊唐書下 象緯 充

下受福 熙寧元年十一月己丑太白犯熒惑主兵客  
敗主勝或防逆謀 三年正月己未熒惑犯歲主赦或  
子孫喜十月乙酉太白犯鎮主有兵 八年三月庚寅  
又犯鎮主燕分兵 十年七月癸酉又犯歲主秦分饑  
元豐二年五月庚寅熒惑犯歲主兵 四年十月乙  
亥又犯太白主兵 五年三月丙戌太白犯鎮主兵戰  
女主災十二月丙寅辰犯歲主兵 七年十一月甲寅  
太白犯歲主大將凶

哲宗元祐元年閏二月戊申八年四月乙卯太白犯熒  
惑皆主兵起 紹聖元年閏四月庚午熒惑犯鎮主兵

起及後宮宜崇福 三年九月丙午太白犯鎮主楚分  
有兵 元符元年十二月乙未太白犯熒惑主大兵西  
國敗 二年十月乙巳太白犯鎮主鄭分饑及後宮憂  
十二月辛亥熒惑犯鎮主兵起及後宮

徽宗崇寧三年四月丙辰熒惑犯鎮主兵起大戰又曰  
女子當之十一月庚寅太白犯辰主國不安先起兵者  
凶 大觀元年十二月乙酉太白犯熒惑主君病太子  
憂 二年正月甲寅太白犯歲主大戰民饑王者有賊

十月丁酉太白犯鎮主太子不安十一月壬申太白犯  
歲主大戰民饑王者有賊 三年三月辛未太白犯歲

文獻通考

卷一百一十五

象緯

十

四年二月辛巳太白犯歲占同五月甲辰熒惑犯歲  
主兵大起冊太子有赦 政和元年二月辛丑太白犯  
鎮主兵饑太子不安十二月乙未太白犯鎮占同 三  
年七月乙丑熒惑犯太白主君亡天下兵起 四年十  
月甲子熒惑犯歲主兵起冊太子有赦 七年正月癸  
卯熒惑犯歲占同 宣和二年十月己卯太白犯熒惑  
主君亡天下兵起 三年閏五月壬午熒惑犯歲主兵  
起冊太子有赦 七年七月乙未太白犯歲主王者有

賊大戰民饑

欽宗靖康元年六月辛丑太白犯歲占同六月丙辰土

火金木聚主大盪其下兵喪竝起君子憂小人流

高宗建炎四年六月戊子熒惑與鎮合於亢占主兵喪  
早是歲虜再犯淮立僞齊江湖羣盜大起鄭后討至次  
年隆祐太后崩十一月辛丑太白歲星合於南斗占爲  
戰大將死又西方凶於是張浚以五路之師敗於富平  
誅趙哲自秦州退軍興州次年陝西皆陷 紹興元年  
十一月乙卯太白與鎮星合 四年三月乙亥辰星與  
太白合於畢占爲兵憂又曰西方有兵不戰是秋岳飛  
敗虜於襄鄧張憲破之於唐州襄漢悉平 五年正月

乙卯太白鎮合於南斗閏二月丙午熒惑歲星合於昴  
文獻通考

卷一百一十五

象緯

三

占爲內亂臣有謀爲旱爲饑北軍困是歲亢旱 七年  
四月丁巳金火合於東井占爲爍爲喪其下之國不可  
舉事用兵又曰大人憂主兵不勝有破軍殺將又曰有  
兵兵罷國安於是王倫歸虜許和又許還河南諸州五  
月乙亥水金火三星合於井占是謂驚立絕行有兵喪  
民饑是年劉豫爲金人所廢甲申火木金合於柳戊子  
水火金木合於柳占謂大盪有兵喪君子憂小人流閏  
十月丁卯火水合於氏占爲北軍用兵舉事大敗 九  
年三月癸卯金火合於井度占爲爍爲喪其下之國不  
可舉兵又曰有破死將於是金人入東京河南陝西相

繼陷九月丁未水木合於角庚申金木合於角占大將  
死十月壬申金木合於氐占同次年岳飛死於獄 十  
年十一月丁未金土合於危占爲疾爲內兵十二月戊  
子土金合於室 十一年三月庚子朔土金復合於室  
十七年五月乙丑木與金合占大將死白衣會 十  
九年六月壬戌金星行犯土星占太子不安憂於是秦  
檜動搖皇子七月丁未金木水合於張占其分國內外  
有兵災民饑改立王侯是歲完顏亮弑其主亶而自立  
二十八年十月乙未水星順行犯土星占夏寒雨雪  
妨女后閏六月己巳火星犯木星占冊太子當有赦明  
文獻通考

卷一百一十五

象緯

三

年始正皇子名

孝宗隆興元年七月壬寅熒惑辰星合於柳占周分赤  
地千里又爲饑有覆軍殺將在秋爲兵或大旱是年有  
宿離之敗 乾道四年二月壬子水金合於胃占爲變  
謀爲兵憂同夜昏度瞻見金土晨度瞻見木火水是爲  
水金火土木星俱見占五星竝見其年必惡八月己亥  
水金火土木五星又俱見 六年五月乙亥五星俱見  
七月乙巳火星犯木在畢占冊太子當有赦次年立恭  
王惇爲皇太子十月庚申五星俱見 八年十月癸卯  
五星見 九年三月辛丑火木合於柳四月乙丑火木

合於星占皆云爲內亂臣有謀又云當其野旱以饑亡是歲浙東江東西湖北諸州旱 淳熙十三年閏七月戊午夜五星皆夕伏至戊辰五星伏聚在軫又至八月乙亥日月五星俱聚軫占謂易行有德受慶亡德受殃光宗紹熙四年三月辛巳水星與金星會於昴宿內占爲兵起爲變謀

寧宗慶元元年四月辛酉木金合於井占爲白衣會將相死六月庚午金木合於井占西方凶又歲星所在太白從之伐者利 三年八月甲戌金火木三星合於翼

占三星合是謂驚立絕行其分國內外有兵喪兵饑改文獻通考

卷一百一十五

象緯

三

立王侯後二年光宗上仙 四年八月甲戌火與土合於虛占爲兵亂旱喪 五年八月辛丑火星犯木星占冊太子當有赦 六年四月癸巳火土合於室及火犯土星占爲憂主孽卿會大人惡之又曰女子當之於是慈懿皇后李氏光宗皇帝相繼崩 嘉泰二年正月丁巳金火水合於南斗占三星合爲驚立絕行於是金國盜起邊釁始開五月庚戌火星順行犯土星占大戰開禧二年二月壬申金木土三星合於昴宿占其分國內外有兵喪民饑改立王侯

文獻通考卷第二百九十四

鄱陽馬端臨貴與著

象緯考十七

瑞星

漢武帝元封元年望氣王朔言候獨見鎮星出如瓜食

頃復八有司皆曰陛下建漢家封禪天其報德星云德星

卽鎮星也言天以德星報帝

晉孝武太元二年七月己卯老人星見三年七月乙

酉老人星見南方十月丁巳老人星見

梁武帝天監四年八月庚子老人星見占曰老人星見

文獻通考

卷一百一十五

象緯

一

主壽昌自是每年恆以秋分後見於參南至秋分而伏

武帝壽考之象云

宋太祖皇帝開寶四年八月辛卯景星見

眞宗景德三年四月戊寅周伯星出氏南騎官西一度

狀半月有芒角煌煌然可以鑑物歷庫樓東八月隨天

輪入濁十一月復見在氏自是常以十一月晨見東南

方八月西南入濁占曰天下無兵國大昌又氏爲露寢

卽天子正寢也大中祥符七年正月己酉含譽星見

其年九月丙戌又見似彗有尾而不長與周伯星同占

太祖朝壽星見乾德三年八月辛酉四年八月乙

卯 六年正月戊申 開寶二年七月乙亥

太宗朝壽星見 太平興國四年八月乙亥 五年八

月己卯 六年八月己卯 八年八月辛卯 雍熙三

年八月己酉 四年八月辛亥 端拱元年八月乙卯

二年八月癸亥 淳化元年八月丁卯 二年八月

辛未 三年八月戊寅 四年九月己亥 五年八月

己丑 至道元年八月己亥 二年閏七月己亥 三

年八月辛丑

眞宗朝壽星見 咸平元年八月癸丑 二年八月癸

亥 三年八月丁卯 四年八月甲子 五年八月乙

文獻通考

卷一百一十五

象緯

二

丑 六年八月丙子 景德元年八月癸酉 二年八

月庚辰 三年八月庚寅 四年二月己卯八月甲午

大中祥符元年正月丁亥八月丙申 二年二月壬

辰八月乙巳 三年二月辛巳八月己酉 四年正月

戊寅八月癸丑 五年正月辛巳八月己未 六年五

月庚子八月丙寅 七年正月癸丑八月己巳 八年

七月癸酉 九年正月甲寅八月壬午 天禧元年八

月癸巳 二年正月丁巳八月辛卯 五年二月辛卯

八月己亥 四年八月己亥 五年二月丙午八月乙

巳皆出於丙

仁宗朝壽星見 天聖元年二月己亥 二年八月丙  
子 四年七月壬申 景祐二年正月己丑 至和三  
年二月辛卯八月己未 嘉祐二年八月庚申 三年  
八月丙辰 四年正月庚戌八月癸未 五年八月庚  
午 六年正月癸丑八月壬辰 七年正月辛亥 八  
年正月辛酉

英宗朝壽星見 治平元年二月己丑七月癸巳 二  
年二月癸巳八月己亥 三年正月庚辰八月庚戌  
神宗朝老人星見 治平四年二月癸巳八月戌申

熙寧元年正月乙未八月己卯 二年二月乙卯八月  
文獻通考 卷一百一十五 象緯 三

壬戌 三年正月甲寅八月癸酉 四年二月己未八  
月丁丑 五年二月己未閏七月乙亥 六年正月庚  
午八月丁酉 七年二月甲申八月庚寅 八年二月  
己丑八月庚戌 九年二月丁酉八月庚子 十年正  
月己卯九月戊申 元豐元年二月己酉八月丙午  
二年二月壬戌八月乙卯 三年二月甲寅八月己未  
四年八月丁卯 五年二月甲戌八月己巳 六年  
二月己未八月丁丑 七年二月辛巳八月己卯 八  
年二月庚辰八月辛巳

哲宗朝老人星見 元祐元年二月戊寅八月庚子

二年二月庚寅九月辛亥 三年二月癸巳八月己亥  
四年二月壬子八月丁未 五年正月甲午八月辛  
亥 六年二月己亥閏八月壬戌 七年正月壬子八  
月壬戌 八年二月丙寅八月己巳 九年二月乙丑  
紹聖元年八月庚子 二年二月壬午八月丁丑  
三年二月庚午八月癸未 四年二月甲申八月甲申  
五年二月庚辰 元符元年八月辛卯 二年二月  
乙未九月壬辰

徽宗朝老人星見

崇寧元年二月壬寅八月癸丑

二年二月甲寅八月庚戌 三年二月戊午八月辛酉  
文獻通考

卷一百一十五

象緯

四

四年二月庚申八月丙寅 五年二月戊辰八月甲  
戌 大觀元年二月乙亥八月丁丑 二年二月甲午  
八月午壬 三年二月戊子八月癸巳 四年二月乙  
未閏八月丁酉 政和元年二月癸卯八月己亥 二  
年二月乙巳八月己酉 三年二月甲午八月己未  
四年二月己酉八月辛未 五年二月庚申八月甲子  
六年閏正月壬戌八月丁卯 七年五月戊午八月  
丙子 八年二月壬申八月乙亥 宣和元年二月癸  
未八月癸未 二年二月辛巳八月己丑 三年二月  
丙戌八月癸巳 四年二月己亥八月辛丑 五年二

月庚子八月丙午 六年二月戊申八月辛亥 七年  
二月癸丑八月庚申皆見於丙主人君壽昌天下安寧  
賢士進用

自太平興國以來星見必賀至熙寧四年詔罷賀禮  
客星

漢武帝元光元年六月客星見於房占曰爲兵起其二  
年十一月單于將十萬騎入武州漢遣兵三十餘萬以  
待之

昭帝元鳳四年九月客星在紫宮中斗樞極閒占曰爲  
兵其五年六月發三輔郡國少年詣北軍

文通獻考

卷一百一十五

象緯

五

宣帝地節元年六月戊戌甲夜客星居左右角閒東南  
指長可二尺色白白占曰有姦人在宮庭閒其丙寅又有  
客星見貫索東北南行至七月癸酉夜入天市芒炎東  
南指其色白白占曰有戮卿一曰有戮王期皆一年遠二  
年是時楚王延壽謀逆自殺四年霍氏謀反誅 黃龍  
元年三月客星居王良東北可九尺長丈餘西指出閣  
道閒至紫宮其十二月宮車晏駕

元帝初元元年四月客星大如瓜色青白在南斗第二  
星東可四尺占曰爲水饑其五月渤海水大溢六月關  
東大饑民多餓死琅琊郡人相食 二年五月客星見

昴分居卷舌東可五尺青白色炎長三寸占曰天下有妄言者其十二月鉅鹿都尉謝君男詐爲神人論死父免官

孟康曰姓謝名君男者兒也不記其名直言男耳

後漢光武建武三十一年十月有客星爛二尺許西南行至明年二月二十二日在輿鬼東北六尺所滅凡見百一十三日輿鬼尸星主死亡客星居之爲死喪後二  
年光武崩

按漢書嚴光傳帝卽位思光召之至京入宮論道舊故因共偃臥光以足加帝腹明日太史奏客星犯御座甚急帝笑曰朕故人嚴子陵共臥耳通鑑

文獻通考

卷一百一十五

象緯

六

載徵光事在建武五年然史志五年不言客星之事云

孝明永平四年八月辛酉客星出梗河西北指貫索七  
十日去梗河爲胡兵至五年北匈奴七千騎入五原雲  
中貫索貴人之牢其十二月陵鄉侯梁松坐怨望誹謗  
下獄死 七年三月庚戌客星光氣二尺所在太微左  
執法南端門外凡見七十五日 八年十二月戊子客

星出東方 九年正月戊申客星出牽牛長八尺歷建  
星至房南滅見至五十日牽牛主吳越房心爲宋後廣  
陵王荆楚王英謀逆事覺自殺廣陵屬吳彭城古宋地

十三年十一月客星出軒轅四十八日 十四年正月戊子客星出昴六十日在軒轅右角稍滅昴主邊兵後一年漢遣竇固耿秉等將兵擊匈奴一日軒轅右角爲貴相昴爲獄事時考楚事未竟司徒虞延坐與楚王英交通自殺

孝章元和元年四月丁巳客星晨出東方在胃八度長三尺歷閣道入紫宮留四十日滅閣道紫宮天子之宮也客星犯入留久爲大喪後四年帝崩

孝和永元十三年十一月乙丑軒轅第四星閒有小客星色青黃軒轅爲後宮星出之爲失勢其十四年六月

文獻通考

卷一百一十五

象緯

七

陰皇后廢 十六年四月戊午客星出紫宮西行至昴五月滅昴爲趙後一年和帝崩又一年殤帝崩無嗣太后遣迎清河孝王子卽位是爲安帝清河趙地是其應也

孝安永初元年八月戊申客星在東井弧星西南占爲大水是歲郡國四十一縣三百一十五雨水四瀆溢傷稼壞城郭殺人民 三年六月甲子客星大如李蒼白

芒氣長二尺西南指上階星指上階爲三公後太尉張敏免官 元初二年十一月甲午客星見西方巳亥在

虛危南至胃昴

鄰萌曰客星入虛大人當之又曰客星守危強臣執國命在后族又且大風有

危散黃帝星經曰客星入守若出危大饑民食貴

延光三年十一月客星見

天市占爲貴人喪四年帝崩

孝順永建六年十二月壬申客星芒氣長二尺餘西南指色蒼白在牽牛六度客星芒氣白爲兵牽牛爲吳越後一年會稽海賊曾於等殺長吏拘奪吏民揚州六郡逆賊章何等稱將軍犯四十九縣大攻略吏民陽喜元年閏月戊子客星氣白廣二尺長五丈起天苑西南主馬牛爲外軍色白爲兵是時燉煌太守徐白使疏勒王盤等兵二萬人入于闐界虜掠斬首三百餘級烏桓校尉耿曄使烏桓親漢都尉戎末雍等出塞鈔鮮卑文獻通考

卷一百一十五

象緯

八

斬首獲生口財物鮮卑怨恨鈔遼東代郡殺傷吏民是後西戎北狄爲寇害以馬牛起兵馬牛亦死傷於兵中至十餘年乃息

孝靈光和五年六月丁卯客星如三升盃出貫索西南行入天市至尾而消占曰天市爲貴人喪明年宮車晏駕中平二年十月癸亥客星出南門中大如筵五色喜怒稍小至後年六月消占曰爲兵至六年司隸校尉袁紹誅滅中宮大將軍部曲吳匡攻殺車騎將軍何苗死者數千人

魏文帝黃初三年九月甲辰客星見太微左掖門內占

曰客星出太微國有兵喪十月帝南征孫權是後累有  
征役

明帝景初二年十月癸巳客星見危逆行在離宮北騰  
蛇南甲辰犯宗星己酉滅占曰客星所出有兵喪虛危  
爲宗廟又爲墳墓客星近離宮則宮中將有大喪就先  
君於宗廟之象也三年正月帝崩

高貴鄉公甘露四年十月丁丑客星見太微中轉東南  
行歷軫宿積七日滅占曰客星出太微有兵喪景元元  
年帝爲成濟所弑

晉惠帝永興元年五月客星守畢占曰天子絕嗣一曰

文獻通考

卷一百一十五

象緯

九

大臣有誅時諸王擁兵其後惠帝失統終無繼嗣

海西公太和四年二月客星見紫宮西垣至七月乃滅

占曰客星守紫宮臣弑主六年桓温廢帝

孝武太元十一年三月客星在南斗至六月乃沒占曰  
有兵有赦是後司雍兗冀常有兵役十二年正月大赦  
八月又大赦 十八年二月客星在尾中至九月乃滅  
占曰燕有兵喪二十年慕容垂伐魏爲所破死者數萬  
人二十一年垂死國遂衰亡

安帝元興元年十月有客星色白如粉絮在太微西至  
十二月入太微占曰兵入天子庭二年十二月桓元篡

位放遷帝后於潯陽三年二月劉裕盡誅桓氏

宋文帝元嘉十九年客星在北斗化爲彗

詳見  
彗門

陳廢帝光大二年六月壬子客星見氐東

周武帝保定元年九月丁巳客星見於翼 天和三年

七月己未客星見房心白如粉絮大如斗漸大東行八

月入天市長如匹所復東行犯河鼓右將癸未犯匏瓜

又入室犯離宮九月壬寅入奎稍小壬戌至婁北一尺

所滅凡六十九日占曰兵起若有喪白衣會爲饑旱國

易政又曰兵犯外城大臣誅 建德三年二月戊午客

星大如桃青白色出五車東南三尺所漸東行稍長二

文獻通考

卷一百一十五

象緯

十

尺所至四月壬辰入文昌丁未入北斗魁中後出魁漸

小凡見九十三日占曰天下兵起車騎滿野人主有憂

又曰天下亂兵大起臣謀主其七月衛王直舉兵反討

禽之十月始州民王鞅擁衆反討平之

唐文宗太和三年十月客星見於水位 開成二年三

月甲申客星出於東井下戊子客星別出於端門內近

屏星四月丙午東井下客星沒五月癸酉端門內客星

沒壬午客星如孛在南斗天籥旁

昭宗乾寧三年有客星三一大二小在虛危間乍合乍

離相隨東行狀如鬪經三日而二小星沒其大星後沒

虛危齊分也 光化三年正月客星出於中垣宦者旁  
大如桃光炎射宦者宦者不見 天復二年正月客星  
如桃在紫宮華蓋下漸行至御史丁卯有流星起文昌  
祇客星客星不動已巳客星在杠守之至明年猶不去  
占將相出兵

梁太祖乾化元年五月客星犯帝座

宋太祖建隆二年十二月己酉客星出天市垣宗人星  
東微有芒彗三年十二月辛未西南行入氐宿二月癸  
丑至七星沒

太宗太平興國八年二月甲辰客星出太微垣端門東  
文獻通考

卷一百一十五

象緯

十一

近屏星北行占曰主弼臣失禮免 端拱二年七月丁

亥客星出北河星西北稍暗微有芒彗指西南 淳化  
元年正月辛巳客星出軫宿逆行至張七十日經四十  
度乃不見占云有土功又云有使來

眞宗景德二年八月甲辰客星出紫微天棊側字孛然  
如粉絮稍入垣內歷御女華蓋凡十一日沒占曰后妃  
災逾年莊穆皇后崩 三年三月乙巳客星出東南方

大中祥符四年正月丁丑客星見南斗魁前占曰有  
赦令其年親祀汾陰后土大赦 天禧五年四月丙辰  
客星出軒轅前星西北大如桃速行經軒轅大星入太

微垣掩右執法犯次將歷屏星西北凡七十五日入濁  
沒占曰周洛之分大臣憂

仁宗明道元年六月乙巳客星出東北方近濁如木星  
大微有芒彗至丁巳凡十三日而沒 至和元年五月  
己丑客星出天關東南可數寸歲餘消沒

神宗熙寧二年六月丙辰客星出箕度中至七月丁卯  
犯箕乃散主民饑大臣有見棄者或大水河溢船行平  
地 三年十一月丁未客星出天困主倉庫憂火災

哲宗元祐六年十一月辛亥客星出參度中犯掩厠星  
主有暴兵米貴晉分兵災壬子犯九斿星 十二月癸

文獻通考

舊籍

象緯

三

酉入奎至七年三月辛亥乃散主邊兵動

高宗紹興八年五月客星守婁魯分也虜將悟室占之  
太史曰無傷至七月虜殺魯兗滕虞等二十一王虜亦  
應天象也 九年客星守亢亢陳分也九月虜將悟室  
被誅悟室封陳王云 八年六月己巳客星出奎宿犯  
傳舍占客星亦妖星天之使者見於天而無常所入列  
舍以示休咎星大者事大而禍深色白其分有兵喪今  
客星出紫微外座傳舍星宜備姦使邊夷侵境又云出  
奎宿爲兵姦臣僞惑天子於是金虜遣使來爭執進書  
儀甲戌客星守傳舍第五星 九年正月癸酉客星始

不見自去年六月己巳至是凡一百八十五日乃消伏時虜使久在館至是乃去

寧宗嘉泰二年六月乙卯東南方泛出一星在尾宿青白色無芒彗繫是客星如土星大占客星者天之使者偶見於天而無常所入列宿以示休咎色青憂疾白爲兵喪兵革罷民饑死於是韓侂胄方謀用兵

雲氣 虹蜺

漢昭帝元平元年正月庚子日出時有黑雲狀如焱風亂鬻音舜轉出西北東南行轉而西有頃亡占曰有雲如

衆風是謂風師法有大兵其後兵起烏孫五將征匈奴

文獻通考

卷一百一十五

象緯

三

二月乙酉祥雲如狗赤色長尾三枚夾漢西行詳見流星門

成帝永始二年二月癸未夜東方有赤色大三四圍長

二三丈索索如樹南方有大四五圍下行十丈餘皆不

至地滅占曰東方客之變氣狀如樹木以此知四方欲

動者明年十二月己卯尉氏男子樊竝等謀反賊殺太

守劫略令丞自稱將軍皆誅死庚子山陽鐵官亡徒蘇

令等殺傷吏民取庫兵聚黨數百人爲大賊逾年經歷

郡國四十餘一日有兩氣同時起竝見而竝令等同月

俱發也

哀帝建平元年正月丁未日出時有著天白氣廣如一

疋布長十丈餘西南行謹如雷西南行一刻而止名曰天狗傳曰言之不從則有犬禍詩妖到其四年正月二月三月民相驚動謹譁奔走傳行詔籌祠西王母又曰從日人當來十二月白氣出西南從地土至天出參下貫天厠廣如一疋布長十丈餘十餘日去占曰天子有陰病其三年十一月壬子太皇太后詔曰皇帝寬仁孝順奉承聖緒靡有解怠而久病未瘳夙夜惟思殆繼體之君不宜改作春秋大復古其復甘泉泰畤汾陰后土如故

王莽地皇四年漢兵起南陽至昆陽莽遣王尋王邑

文獻通考

卷一百一十五

象緯

五

將諸郡兵號百萬圍昆陽城數重軍勢甚盛晝有雲氣如壞山墮軍上軍人皆獸所謂營頭之星也占曰

營頭之所墮其下覆軍流血三千里

袁山松書曰怪星晝行名曰營

頭行張大誅也

時光武將兵救昆陽殺王尋莽軍敗散王邑還長安莽敗俱誅死營頭之變覆軍流血之應也

和帝永元十二年十一月癸酉夜有蒼白氣長三丈起天園東北指軍市見積十日占曰兵起十日期歲明年

十一月遼東鮮卑二千餘騎寇右北平十六年四月

丁未紫宮中生白氣如粉絮占爲喪後一年和帝崩殤

帝卽位一年崩

順帝永建二年九月戊寅有白氣廣三尺長十丈餘從北落師門南至斗

靈帝熹平二年八月白氣如一疋練衝北斗第四星占白氣衝北斗爲大戰明年冬揚州刺史臧旻等攻盜賊斬首數千級 光和元年六月丁丑有黑氣墮北宮溫明殿東庭中黑如車蓋起奮迅身五色有頭體長十餘丈形貌似龍上問蔡邕對曰所謂天投蛻者也不見足尾不得稱龍易傳曰蛻之比無德以色親也潛潭巴曰虹出后妃陰脅王者又曰五色迭至照於宮殿有兵革之事演孔圖曰天子外若兵威內奪臣無忠則天投蛻文獻通考

卷一百一十五

象緯

五

按邕集稱曰演孔圖曰蛻者斗之精也失度投蛻見態主惑於毀譽合誠圖曰天子外若兵者也 變不空生占不空言 邕對又曰意者陛下樞機之內在席之上獨有以色見進陵尊逾制以昭變象若羣臣有所毀譽聖意低回未知誰是兵戎未息威權漸移忠言不聞則虹蜺所在生也抑內寵任中正決毀譽分直邪各得其所勒守衛整武備威權之機不以假人則其效也

先是立皇后何氏皇后每齋當謁祖廟輒有變異不德謁中平元年黃巾賊張角等立三十六方起兵燒郡國山東七州處處應角遣兵外討角等內使皇后二兄爲大將統兵其年宮車晏駕皇后攝政二兄秉權譴讓帝母永樂后令自殺陰呼并州牧董卓欲共誅中官中官逆殺大將軍進兵相攻討京都戰者塞

道皇太后母子遂爲太尉卓等所廢黜皆死天下之  
敗兵先興於宮省外延海內二三十歲其殃禍起自

何氏

袁山松書曰是年七月虹晝見御  
座玉堂後殿前庭中色青赤也

晉惠帝永興元年十二月壬寅夜有赤氣亘天辟隱有  
聲 二年十月丁丑赤氣見北方東西竟天占曰竝爲

大兵辟隱有聲怒之象也是後四海雲擾九服交兵

光熙元年十二月甲申有白氣若虹中天北下至地夜  
見五日乃滅占曰大兵起明年王彌起青徐汲桑亂河  
北毒流天下

懷帝永嘉三年十二月乙亥有白氣如帶出南北方各

文獻通考

卷一百一十五

象緯

六

二起地至天貫參伐中占曰天下大兵起四年三月司  
馬越收繆允等又三方雲擾攻戰不休五年三月司馬  
越死於甯平城石勒攻破其衆死者十餘萬人六月京  
都焚滅帝如虜庭

愍帝建興元年十月己巳夜有赤氣曜於西北荊州刺  
史陶侃討杜弼之黨於石城戰敗

宋文帝元嘉三十年正月乙亥朔會羣臣於太極前殿

有青黑氣從東南來覆映宮上是年二月元凶劭構逆  
帝崩於合殿三月武陵王討劭建牙於軍門有紫雲二

蔭於牙上

陳宣帝太建四年有白氣如虹自北方貫北斗紫宮  
十二年二月壬寅白虹見西方占曰有喪後一年帝崩  
北齊後主天統三年五月戊寅甲夜西北有赤氣竟天  
夜中始滅十月丙午天西北頻有赤氣占曰有大兵大  
戰後周武帝總衆來伐

周武帝天和二年十月辛卯有黑氣一大如杯在日中  
甲午又加一經六日乃滅占曰臣有蔽主之明者 六  
年二月己丑夜有蒼雲廣三丈經天自戌加辰 建德  
四年十月癸亥帝率衆攻晉州是日虹見晉州城上首  
向南尾入紫宮長十丈餘庚午克之丁卯夜白虹見長  
十餘丈頭在南尾入紫宮中占曰天下兵戰流血又曰  
若無兵必有大喪至六年正月平齊

文獻通考

卷一百一十五

象緯

七

唐高祖武德初隋將堯君素守蒲州有白虹下城中  
太宗貞觀十一年七月一日黃氣竟天大雨穀水溢  
高宗永隆元年六月戊子虹蜺亘天蜺者斗之精占曰  
后妃陰脅王者又曰五色壘至照於宮殿有兵  
武太后延載元年六月幽州都督孫佺帥兵襲奚將入  
賊境有白虹垂頭於軍門占曰其下流血

中宗景龍元年九月十八日有赤氣竟天其光燭地三

日乃止

肅宗至德二載正月丙子南陽夜有白虹四上亘百餘丈

代宗寶應元年七月西北方有赤光亘天貫紫微漸流於東彌漫北方照曜數十里

德宗貞元二年正月大雨雪平地深尺餘雪上有黃黑色狀如浮埃

憲宗元和十三年十二月丙辰有白虹濶五尺東西亘天

敬宗寶歷元年十二月乙酉夜有霧起須臾徧天霧上

文獻通考

卷一百一十五

象緯

天

有赤氣或深或淺久而乃散

武宗會昌四年正月己酉西方有白虹

懿宗咸通元年七月戊戌白虹橫亘西方己酉白虹橫亘西方十一月丁酉戌時妖星初出如匹練亘空化爲雲而沒在楚分 九年七月戊戌白虹橫亘西方

僖宗中和二年七月丙午夜西北有赤氣如絳竟天

昭宗光啓二年九月白虹見西方十月壬辰夜又如之

光化二年春有白氣竟天如練自西南徹東北而旋天復三年三月庚申有曲虹在日西北

後唐明宗天成二年十二月壬辰酉時西南方有赤氣

如火燄燄約二千里占者云不出二年其下當有大兵  
晉高祖天福二年正月二日夜初北方有赤氣西至戌  
亥地東北至丑地南北濶三丈狀如火光赤氣內見紫  
微宮及北斗諸星至三點後內有白氣數條次西行至  
夜半子時方散 八年正月丙戌黃霧四塞 九年正  
月乙未大霧中二白虹相偶四月庚戌大霧中有蒼白  
二虹

末帝開運元年正月乙未大霧中有白虹相偶占者云  
海淫所興其將有戰時帝在澶州與契丹相守  
周太祖廣順元年十一月甲子白虹竟天

文獻通考

卷一百一十五

象緯

七

宋太祖乾德三年七月己卯夜西方起蒼白氣長五十  
尺貫天船五車亘井宿占曰主兵動 六年十月己未  
亘西北蒼白氣三道長二十尺趨東散占曰游兵之象  
太宗太平興國四年四月己未夜西北方有白氣壓北  
斗 雍熙三年正月己未夜赤氣如城占爲兵 四年  
正月癸酉夜白氣起角亢經太微垣歷軒轅大星至月  
旁散 端拱元年十月壬申遲明巽上有雲氣過中天  
連地濃潤前赤黃後蒼黑色先廣後大行勢如截占曰  
將領行陣有大克捷十一月戊午夜西北方有赤氣如  
日腳高二丈 至道二年二月丙子夜西方有蒼白氣

長短八道如彗掃稍經天漢參錯如交蛇占曰所見之方主兵勝

眞宗咸平三年十月辛亥黑氣貫北斗占曰兵起人疫十二月庚午黑氣長三丈餘貫心宿入天市垣抵帝座久方散 四年三月丙申白氣二亘天十月辛亥黑氣貫北斗 五年正月白氣如虹貫日久而散七月戊戌白氣如陣貫東井 六年四月己巳白氣東西亘天丁丑白氣貫日五月辛亥白氣出昴至東壁沒六月辛未赤氣出婁貫天庾占曰倉廩有火災丙子白氣出河鼓左右旗分爲數道沒七月癸卯白氣如彗起西南方占文獻通考 卷一百一十五 象緯 景德元年三月白氣貫軒轅蒼白氣十餘日有兵喪 如布亘天七月辛亥黃氣出壁長五尺餘占曰兵出十一月癸丑黑氣十餘道衝日 二年正月丙寅黃白氣環之二月丁亥白氣五道貫北斗占爲大風幸臣憂 三月丙子白氣出閣道西孛孛有光占曰宮中憂 三年三月丙辰北方赤氣亘天白氣貫月十月甲午黑氣貫北斗魁占曰夷兵起 四年三月己未白氣東西亘天庚申白氣出南方長二丈許久而不散四月庚午白氣貫北斗長十丈占爲大風庚寅白氣如布襲月三丈許甲午南方有黑氣貫心宿長五丈許占大水十一月己

已中天有赤氣如掃長七尺在輿鬼南占曰秦兵疫  
大中祥符元年正月癸亥朔黃氣出於艮占曰主五穀  
熟丁丑白氣二東西亘天七月西北方白雲氣如彗帚  
三十餘條占曰主兵戰 二年九月戊午黃氣如柱起  
東南方長五丈許 三年四月丁巳中天有黑氣東西  
亘天占爲水十二月癸亥青赤氣貫太微 五年二月  
壬寅白氣長五丈出東井貫北斗魁及軒轅占爲兵爲  
雷雨 七年九月有氣出紫微爲宮闕狀光燭地 天  
禧三年四月黃氣如柱貫月占曰女后喜

仁宗天聖七年二月己卯夜蒼黑雲長三十尺貫弧矢

文獻通考

卷一百一十五

象緯

三

翼軫占曰荆楚水 明道元年十月庚子夜黃白氣五

貫紫微垣十二月壬戌西北有蒼白氣亘天 景祐元

年八月壬戌夜有黃白氣如彗長七尺餘出張翼之上

凡三十三日不見 四年七月戊申夜黑氣長丈餘出

畢宿下 寶元二年正月壬子夜蒼黑雲起西北長三

十尺漸東南行歷婁胃昂畢及火木相次中天而散占

曰水災食穀腐敗胡王死邊兵憂若七日有雨則不占

三月甲寅夜細黑雲起西北方長三十尺貫王良及營

室占曰衛分大人憂 康定元年三月丙子夜東南方

近濁黑氣橫亘數丈濶尺許良久散占曰東南有水憂

六月壬子黑氣起心宿西長五十尺首尾侵濁久之散  
占曰大雨水 二年八月庚辰夜東方有白氣長十尺  
許在星宿度中至十日長丈餘衝天相居星宿大星南  
九十餘日沒壬午夜黑氣起西南長七丈貫危宿羽林  
入濁至天津良久散癸卯夜蒼白雲起西北濶二尺許  
首尾至濁良久漫占曰其下有兵 慶歷二年十一月  
壬申黑氣貫北斗柄甲申白氣貫北斗 三年正月戊  
戌中天有白氣長二十尺向西南行貫日占曰邊兵憂  
四月癸卯白氣二生西北隅上中天首尾至濁東南行  
良久散占曰其下有兵寇七日有大風雨則不占七月

文獻通考

卷一百一十五

象緯

世

戊辰夜西南生黑氣長三尺許經天而散占曰雨水八  
月壬子夜白氣貫北斗魁 四年五月甲子夜黑氣起  
東北方近濁長五丈許良久散占曰大雨水宜治津梁  
九月辛巳夜中天有白氣長二丈許貫參宿南河東北  
行少頃散占曰風雨之候十一月甲子夜蒼白雲起南  
近濁久方散占曰南方有兵寇七日有大風雨則不占  
八年正月丁酉夜黑氣生首尾至濁漸東行久之不  
散占曰水災二月辛卯夜西方近濁生黑氣長三丈許  
良久散占曰水災 皇祐四年十一月壬寅夜黑氣生  
東方南北至濁貫參宿軒轅占曰主邊境有火憂辛酉

夜白氣起北方近濁長五丈許歷北斗久之散占曰多  
大風

英宗治平元年六月戊午夜蒼白雲起東北方長一丈  
許貫畢占云有兵禍 二年二月乙未夜蒼黑雲起西  
北方長五丈許貫東井及北斗良久散占曰大水民疾  
病四月癸巳夜蒼黑雲起西北方長三十尺西至軒轅  
太民北抵鉤陳占曰雨水後宮有疾病之憂丙午夜西  
北方有白氣漸東南行首尾至濁貫角宿移西北久方  
散占曰有兵戰疾疫事九月庚申夜西北蒼黑雲長三  
丈許貫營室壘壁陣及天河占曰土功興及雨水 三  
文獻通考 卷一百一十五 象緯 三

年六月丁未夜東方有蒼白雲長一丈許貫畢占曰歲  
不收亦陰雨之候

神宗治平四年二月癸巳夜蒼白雲起南方長三丈濶  
尺貫南門星主兵出閏三月辛巳蒼黑雲起南方兩首  
至濁濶尺貫尾箕斗牛庫樓騎官主陰雨五月戊寅夜  
蒼黑雲起北方長三丈濶尺貫紫微垣王良主蕃國有  
暴兵及奉車官憂壬寅夜蒼黑雲起北方長三丈濶尺  
貫紫微垣主暴兵六月癸亥夜白雲起東北方長五丈  
上濶下束貫天船閣道傳入紫微垣天棓主畜夫遇賊  
亦爲雨候八月乙亥夜黑雲起西北方長丈濶尺貫北

斗主陰雨十月庚申夜黃氣一上下貫月中主女主憂  
十二月庚戌夜蒼黑雲起南方長三丈濶二尺貫五車  
東井五諸侯主陰雲 熙寧元年正月乙酉夜蒼白雲  
起西南方長四丈濶尺貫月及南河鬼軒轅主秦分暴  
兵六月己酉夜蒼黑雲起北方長二丈濶尺貫北斗魁  
東貫文昌主三公疾民憂十月庚申夜蒼黑雲起北方  
東西兩首至濁貫織女天棊紫微垣北斗魁主暴兵三  
日有雨則解 二年四月甲辰夜蒼白雲起東南方長

二丈濶尺貫天市垣主人多疾疫七月甲申日下有五  
色雲十一月每夕有赤氣見西北隅如火至人定乃滅

文獻通考

卷一百一十五

象緯

五

三年二月庚辰夜蒼黑雲起西北方長三丈濶二尺  
貫王良扶箱天廚占同上 四年六月己未夜蒼黑雲

起西北方長丈濶貫五車又起西北方長丈餘貫北斗  
魁文昌主大臣憂 五年七月丁亥夜白雲起南方長

丈貫氏房心 六年五月庚申夜蒼黑雲起東方長

五丈濶二尺貫雲雨閣道 七年三月壬子蒼白雲起

西南方長二丈濶尺貫日經中天過白氣如帶主兵四

月壬申夜蒼白雲起北方長五丈濶二尺貫北斗魁鉤

陳王良閣道東至奎六月辛未夜蒼黑雲起天河中長

五丈南北兩首至濁貫尾箕又蒼黑雲起東方長五丈

貫羽林軍外屏丙戌夜蒼白雲起南方長二丈貫危室  
璧及八魁主齊衛分憂或土木功壬辰夜蒼白雲起西  
北方長二丈貫天棊紫微垣主分爭與刑罰藏兵禦難  
備非常人之處有憂又主牛畜多死七月庚戌夜蒼白  
雲起東方長丈餘貫參旗及參宜察臣下 八年二月

己己夜蒼黑雲起東方長三丈貫心天市垣列肆宗星  
主物貴五月癸亥夜蒼黑雲起西方長三丈貫軒轅太  
微垣五帝座主諸侯憂十月庚子夜黑雲起西北方長  
三丈貫畢大陵鉤星 九年四月庚寅夜白氣長丈起

東北方天市垣辛亥夜蒼黑雲起南方長二丈貫庫樓

文獻通考

卷一百一十五

象緯

二五

騎官積卒心尾主憂六月乙未蒼白雲起東北方長四  
丈貫室璧閣道主兵憂七月己卯夜蒼黑雲起南方長  
四丈貫軍市天園主兵十月乙酉夜蒼黑雲起西北方  
長四丈貫北斗鉤車府主雨 十年六月癸未夜蒼黑  
雲起南方長三丈濶尺貫龜鼈天淵主多雨水七月丙  
子夜蒼黑雲起北方長丈貫北斗魁主民憂貴臣獄或  
多雨八月庚辰蒼黑雲起東北方長二丈貫參井北河  
五諸侯主諸侯憂或大水九月庚申夜蒼黑氣起北方  
由北斗魁杓貫紫微垣至天棊 元豐二年四月戊申  
夜白雲起南方長三丈貫庫樓積卒龍尾主將死或大

臣黜 五年四月壬申夜蒼白雲起北方長三丈出太  
微垣貫五帝座常陳主人主大喜 八年七月庚申夜  
蒼黑雲生北方長三丈濶尺貫北斗文昌天槍主三日  
內有雨及大臣黜

哲宗元祐三年七月戊辰夜東北方近濁天明照地如  
月將出漸徧西北有白氣經天主兵宜防西北二鄙  
紹聖二年十一月桂陽監慶雲見 元符二年九月戊  
辰夜赤氣起北方紫微垣北斗星東南次有白氣十道  
各長五尺主兵及大臣黜

徽宗崇寧元年十一月己酉赤氣隨日沒主大旱及外

文獻通考

卷一百一十五

象緯

三

有告急 二年五月戊子夜蒼白氣起東南方長三丈  
貫尾箕斗主蠻夷入貢舊臣來歸 政和元年十一月

甲戌夜蒼白氣起紫微垣貫四輔主相凶 五年四月  
庚子有白雲自北直徹中天漸成五色如華蓋 七年

五月乙卯夜赤雲白氣起東北方主大旱民飢喪 宣

和元年六月辛巳夜有赤氣起北方半天如火主臣叛  
君 二年二月戊戌夜赤雲起東北漸向西北入紫微

垣主臣叛君天下兵起 三年九月壬午夜蒼白氣長  
三丈貫月主其下有亂者 四年九月丁丑西方日下

有赤氣 七年四月壬子夜有赤雲入紫微垣主兵起

欽宗靖康元年正月丁丑夜赤白氣起西方主所向兵至九月戊寅有赤氣隨日出十一日己丑日下有赤氣閏十一月丁酉赤氣亘天二年正月己亥夜西北陰雲中有火長二丈餘濶數尺時時見丁未霧氣四塞人對面不相視二月壬午夜白氣如虹自南亘北漸移西南至東北二月戊子夜白氣貫斗

高宗建炎元年八月壬申東北方有赤氣四年三月辛亥白虹貫日京房易傳曰蜺日旁氣也白蜺雙出日中茲謂擅陽五月壬子赤雲亘天中又有白氣十餘道貫之如練起於紫微垣犯北斗及文昌由東南而散占文獻通考

卷一百一十五

象緯

七

兵大起又所向兵至宮中有喪紹興元年二月己巳白氣亘天占有暴兵七年十一月癸卯有赤雲如火隨日八年二月辛巳日中有白虹亘天九月甲申正北方有赤氣如火影二十七年二月乙酉赤氣出紫微垣壬寅白虹貫日三十年二月壬申西北方正北方東北方一帶約五處赤氣如火影十一月甲午西南方白氣由尾宿歷壁宿婁宿昴宿止十二月戊申夜白氣出尾宿歷心房氏亢角宿入天市貫太微至郎位止有類天漢白氣主兵明年虜亮大入寇辛酉曲虹見日之西占曰虹蜺陰陽交錯之氣曲虹冬見異之尤甚

也 三十一年十二月辛丑白氣北斗歷牛女虛

孝宗隆興元年十二月壬午白氣自危宿歷室壁婁胃  
昂宿 二年正月甲寅白氣自壁宿歷奎婁昂畢觜參

乾道元年正月庚午夜白氣出奎漸上經婁胃昂貫  
畢八參占主殺伐主邊城三月戊辰夜白氣自參宿至  
角宿與天漢相接其白氣約廣七丈已來占有暴兵四  
月丁酉夜蒼白氣自西北漸上東北入天市垣辛丑入  
北斗魁中乙巳入紫微垣內至天極天樞中十一月丙  
寅白氣出女歷虛危室壁上奎婁胃昂宿十二月庚午  
白氣亘天 三年十月丙申虹出非時 四年三月己

文獻通考

卷一百一十五

象緯

三

丑四方皆昏濛若下塵占名曰霾語云天地霾君臣乖

五年正月甲申昏霧四塞又曰黃霧 六年十月庚

午赤氣隨日出占氣如火隨日出者軍行有兵憂十一

月丁丑赤氣隨日入占有告急者或檄天下召兵不行

七年六月壬寅十月戊午赤氣隨日出 八年十月

乙巳赤氣隨日八丙午赤氣隨日出占君側有佞臣

九年十月壬申日出前東方并日八後西方有雲氣若

煙非煙若雲非雲青赤黃三色光潤占凡氣有三色名

曰喬雲喬雲見則國有慶乃人君修德而致 淳熙元

年十月戊寅東北方生曲虹見口之東 二年十月庚

辰東南方生青赤黃蟹虹虹生非時 三年八月丁酉  
赤氣隨日沒戊戌赤氣隨日出 五年十月丁巳曲虹  
見日之東 十年正月戊子西南有白氣如天漢而明  
南北廣六丈東西亘天占有兵起 十四年十一月甲  
寅赤氣隨日入

光宗紹熙四年十一月甲戌夜赤雲白雲見占赤雲如  
火影見者如足帛天下多兵 五年六月壬寅白氣如  
帶道亘天已酉亦然喪之象也於是孝宗崩寧宗受禪  
寧宗慶元元年正月丙辰白虹貫日 四年八月庚辰  
赤氣如帶亘天占有暴兵 五年二月癸酉夜白氣如

文獻通考

卷一百一十五

象緯

三

帶道亘天 嘉泰三年七月壬午白虹貫日 四年二

月庚申赤氣亘天次月臨安大火迫近太廟十一月虹  
生非時壬申白氣如帶道亘天占有暴兵 嘉定六年  
十月乙卯有赤氣隨日出十一月辛卯有赤氣隨日入  
十一年二月丙辰白虹貫日

宋中興天文志曰書星變而至於蟹虹雷電非時  
塵霧雲氣雜見必書何也凡皆氣也張自明曰一

元肇判分陰分陽輕清爲天重濁爲地逆生五行

順布五氣故五氣之會其精秀靈明者爲日爲月

爲星爲河漢五氣之散颺而爲風和而爲雨鬱而

爲霧結而爲雲舒而爲霞凝而爲露肅而爲霜冽  
而爲雪戰而爲雹擊而爲雷爍而爲電駁而爲虹  
其變十有二無非氣也而是氣之忽合忽分又各  
有形有象殆不可徧舉其爲災爲祥亦或有應有  
不應或應焉而人莫之知也然而推步宿曜之道  
度分晝垣舍之名數覘象色之所見驗躔分之攸  
屬參之於璣衡候之於晷漏探應感於精禋求形  
驗於事情以考以告以戒以勸以慮以備占其有  
益於人國太史遷曰孔子六經紀異而說不書至  
於天道不傳傳其人不得告告非其人雖言不著

文獻通考

卷一百一十五

象緯

三

有味其言哉所志者占云



